

萬曆辛亥京察記事始末

國曆辛亥京察記事始末卷之六

汝南周念祖彙

南京吏部右侍郎史繼偕爲溺職久懷歸休隱章  
義當央退懇乞

聖明亟賜罷斥以避賢路以釋疑端事臣待罪南銓  
適當計吏自惟責重望輕惴惴恒慮弗任故先期  
而請謝竣事而請黜未蒙 俞允勉強就列屬大  
僚多曠併攝他曹更弗任是憂而委篆無人不  
敢輒輕言去姑守府以候黜用諸臣班列稍充以病  
上請臣之志也頃閱邸報有戶部主事賀煥指論南

京湖廣道御史周達之疏所涉事情蹊徑多端無  
干于臣臣不能知獨謂周達之謀本于徐北魁北  
魁之謀又本于臣臣直接輔臣李廷機之膝四年  
不去俟臣以續其傳此關臣大節不得不辨夫輔  
臣被口語在四年前是時臣猶五品末僚循資而  
上臣居最後輔臣不去果爲待臣乎北魁發難于  
淮上是時臣身在李門有意爲臣地乎年來南北  
各天從何結托憑誰呼應如一線相通必不能掩  
于郵人之路隸人之口進者當伺而獲之用爲左  
証而徒牢籠以繁弄運籌等語望空相射也周達

之于兆魁其分誼職不能知若職之于達自循例  
交拜之外未嘗私面一語卽賀烺亦謂達新從蜀  
來則其交匪深其合匪素固自可見而輒敢以提  
掇未便之言貸口而遙授諸交踈之御史遂公然  
嗾之職卽愚耳達不應爲職所愚若是恐達亦未  
肯甘爲職任此功首也輔臣雖職桑梓而四年落  
莫禪剝棲身有何氣力能躋職揆地橫躋之跡無  
據而以職欲言之烺非職何以能知職之欲如職  
非烺而妄揣烺之欲其可乎官業無足覲職而搜  
及田里職先臣朝宜先叔臣朝富雙陟金榜則誠



有之先臣所遺職兄弟硲田數十鍾不足餬口職  
叨第二十餘載田產有何增加其在魚鱗圖冊一  
覈可見職子年踰而立職不欲使與寒士爭進濫  
冒巾衿而謂任其聚徒掠貨職鄉非不毛之地官  
司何在而聽爲化外之民耶職卽自處不敢後于  
鄉人月旦有真鄉人之善者宦游京師不乏煨試  
質而問之將無悔其言之過也煨之發論原不爲  
此不過插入一段以助波瀾而喫緊根苗全在察  
事乃察事之竣已久果有遺言寧待今日職切  
其得此晚矣斯又不足辦也而職區區謬有一

以修諸臣夫黨錮之論誠禍國家然而天下一  
君四海一國秦楚吳越總在通達之中何黨之分  
母爲附而同亦母爲判而異則不若盡捐黨字絕  
媒去囹職又見比來言人者與言于人者有一事  
必推其指授之所從來無論果否得情總屬逆億  
職卽知之固不忍以相加遺而職愚實不能知也  
則又何言焉惟是職德薄力輶處非其據加以越  
俎治事用違所習焦心瘁形舊疾頓作頗輔胷脇  
無所不痛楚目青併發發輒數旬終成廢瘡伏乞  
皇上特賜罷斥放歸山林及時

召用名德之臣輔理元化毋使言者得借以爲資而  
衆正並斥後薪無躡處之跡前魚無不收之虞庶  
疑府冰釋

恭運弘開職沒齒含糗羹藜藿

恩無極職下情不任竦仄待 命之至

壬子正月廿九日

南京湖廣道御史周達爲旁觀愈肆奸計愈明  
祈

聖明鈔勘早聖邪說事臣前具疏叅論于玉立沈正  
宗徐縉芳非臣臆說南中大小臣工清議一口無  
不以臣言爲當者忽接邸報見沈正宗有疏矣徐  
縉芳有揭矣此二臣者不過支吾搪抵之詞固無  
足恠惟是戶部福建司主事賀煨者可異耳臣言  
官也風聞言事是其職掌儻言之不當自有科道  
官互相駁正何爲而出於戶曹新進之賀煨哉玉  
立與煨爲親故煨爲江南富室玉立資其財行游

結納販奇貨而市美官久矣煨父賀學仁係貲鄒  
曾累科臣段然名掛彈章者煨又曾借玉立廣  
謀管幹科場始進不正吳下人人能言之今偶明  
甲第猶恐人議其後故意爲潑賴之狀以制人抑  
且挺身以荅玉立之私恩者也殊不足與溪辨但  
其言多誣罔臣敢就其䟽而折之玉立之歸也因  
與吏部官交通管謀私書藏於沈令譽家被搜出  
呈

御覽奉 旨斥逐者也與郭正域事體全然不同乃  
牽掄一處不幾以醜類之輩唐突西子哉今玉立

秘書尚在 御前而賀煊乃以比之正域欺

皇上乎欺天下乎玉立歸家縉紳不齒不知七八年  
來何以附入東林澤麋而蒙虎皮則玉立之作用  
可知矣年來未有召還之 旨乃不次推遷倏而  
禮部未幾而吏部又未幾而尚寶丞矣以林下一  
小臣而兩年之間三更名位是舉建言被謫諸臣  
所爲老死山林曾不得蒙叙用者玉立若取諸寄  
惟其熱中媚秦是以有此則玉立之氣力可知矣  
又且大作風浪廣肆羅織或緘書或屬草或借交  
反激百計求叅徐兆魁王紹徽劉國縉喬應甲等

殆無虛日以歸休之人而借人害人殺人媾人則  
臣所謂託跡山林遙制國是者是耶非耶又聞  
一年之內在家無幾東奔西馳南來北往所過郡  
邑大爲騷動此其爲人竟是拔關抵壁戰國間妾  
媾食客之流臣以終南目之猶爲溢美而賀煥爲  
羣情不服以此二字爲坑不知代秦出力坑卒坑  
儒者誰耶最可哂者東林非

勅賜之名諸人非欽選之輩每一齒及便若乘輿之  
不可指斥者此何世界也據臣評論願憲成自是  
賢者曩爲淮撫一書自是美玉瑕玷但聞書稿出

自他人強憲成出名代上者也是舉也聞玉立亦以爲失筭臣何敢爲之誣又何敢以是病憲成第憲成果賢東林中亦是多賢如玉立者萬萬非其儔也若以東林而欲擡舉于玉立聞玉立家養有刺客飛盜以備用然則刺客飛盜抑將以東林故稱賢耶賀熲不過東林中廝養護法小么麼耳動輒以司馬清流之說箝制人口欲何爲乎尤可駭者今者私人之黨各有擁戴枚卜之舉或屬意於詞林之中或屬意於詞林之外玉立其謀主也臣慮黨與成於下主勢孤於上故以金甌覆名之事



而歸之

聖意之有專屬惟

聖意不可窺測故臣望

陛下獨斷以杜私黨耳乃賀煊反以臣疏

聖意專屬之語爲他人勸進何其藐視宸嚴而更欲  
他屬哉此人臣欺玩之大罪也賀煊只知爲玉立  
作鷹犬不暇檢點矣至謂臣疏逗遛旬日始上臣  
封事甚秘賀煊知臣拜疏何日傳聞南疏至都者  
何人非用計邏伺何由而知臣疏逗遛哉若乃疏  
中所擢史繼偕徐兆魁此二臣者在繼偕臣與公

會大衆中一見在兆魁臣未有半面之識而謂  
之謀始於兆魁兆魁等之謀本於繼偕臣誠不得  
其解第聞南中人言玉立以祭典不得行其言致  
恨史繼偕以叅論東林與淮撫致恨徐兆魁久已  
有此一段殺機勃勃欲發今忽敕臣疏引出爾爾  
臣自有辨白臣不能爲之辨亦無庸辨總付之公  
論耳嗟嗟臣之前疏觸於公論抑鬱故

國是淆亂不得不言不意賀烺肆口罵臣臣故復詳  
述如此玉立儻有良心只當怨賀烺不當怨臣也  
然玉立穢狀罄竹難書臣尚不欲傷雅道儻賀烺

再能出口臣爲

朝廷除此奸黨有利社稷復何所顧忌哉至於沈一貫李廷機復出等語業已臭腐爲海內厭聞久矣臣可置之不折也伏乞

聖明速奮乾斷將臣前後疏併賀煥史繼堦徐兆魁諸疏

勅下九卿科道從公勘議如果臣爲誣罔願甘妄言之誅如賀煥果屬黨邪嚴示出位之戒不惟臣區區公論得以少申而鄭繼芳王紹徽心事亦得以自明庶陰邪小人不得肆其毒矣世道人心幸甚

頊賈

宸嚴臣不勝惶悚待命之至

壬子二月初十日

ノ  
ク  
ハ  
月  
々  
三  
ノ  
カ  
ヲ  
フ

五  
十

浙江巡按鄭繼芳爲諛諂侍黨與之多敢爲一綱  
之計污蟻言官獻嬖當路懇祈

聖明據事發勘以昭法紀以正人心以定 國是事  
臣蒙昧不善逢時慙慙惟知報

主一自受任以來首觸姦貪不顧反噬之禍自後假  
書突出而亟伐其謀考察未公而力救其失皆犯  
一大有權力者之忌亦惟恃有

聖明在上公論在下不欲使盛世乏敢言之臣而黨  
奸者卒至箝天下之口但奸人之始謀未遂將轉  
謀轉幸幾使 清明之朝魑魅魍魎充路而遺譏

無窮臣茲因事叙其始末以及誣枉可乎蓋假書  
原謀陷臣與劉國縉王紹徽三人耳當其敗露之  
日徐縉芳沈正宗皆與臣爭相辯駁者也有疏具  
在

御前又臣疏內曾有半以其賄結東林不肖者一語  
當日卽有向臣言者曰輕犯東林其受禍必慘臣  
曰東林固多賢者茲特言其不肖者耳說者又曰  
惟其犯不肖者此禍之所以慘且速也未幾果于  
八月間正宗卽借先年之估計強欲誣臣又捏無  
影之居間併誣紹徽母論人人洞燭其邪謀卽彼

同黨者亦且謂其爲失著矣所以臣只據理一言以破其謬謂估未經題銀未經領賄何通乎今正宗辦周達之疏又謂辦臣疏至無以爲解不過該之營將之欺蔽夫營將之欺蔽是正宗疏中罪營將之言臣不過引以還証之餘意耳所解豈其在此乃賀煥又謂臣辯疏辭已窮夫當此羣邪旁竄之日不思窮於詞惟患窮於理理若直一言可剖理未直卽千萬言何益今臣再略爲言之大凡通賄者未有不終其事以結受賄之局而行賄者未有不遂其謀以償所費之賄乃臣自估計遞差之



後至今再不經心各役三年以來亦未知其分文  
未領臣若有私臣卽相忌各役肯相忌乎况用賄  
乃欲求增于例外而臣反于舊例減之蓋從來明  
監甲未有減于舊例而每頂付減去銀八兩有零  
自臣始後之得以遞減者臣實開之前之不難任  
怨後之不爲無功歷歷有原冊可查必坐臣以受  
賄誰其信之若謂有增議之條例在當日該部何  
不以條例並開也今又謬謂各役之欠債似有因  
夫都民被商役之累久矣臣之祖父卽以商破家  
者也一經僉報無有不借債以故旦夕逃亡豈正

宗所謂獨盛甲商匠欠債乎彼卽預爲誘買之計  
許其領銀寬其追債然人各有良心豈卽妄自承  
認以誣夙所砥礪之臣無者決不能以爲有况數  
月以來豈不分外體訪果何名何姓竟誰其人耶  
此理甚明人所共曉多言何爲先是朱一桂有不  
平之鳴卽以例轉處一桂今周達再有不平之鳴  
而正宗等又且誣及徐兆魁併及王南察之史繼  
偕夫一桂兆魁政與臣皆爭察事者而繼偕又不  
受私書以至察於南者皆與北察相犯故不借此  
行媾不能一網盡收蓋從古小人希冀干進未有

不以陷行讒以讒成陷而奸雄之驅除善類以空  
人國亦未嘗不收儉巧傾危之輩以備橫噬之用  
者是向來猶在言路近見言路計窮其司耳目者  
終必顧名義不若部司之途賸而躁進者易爲使  
也故一無忌憚若此耳臣以久困於吳越之間始  
識時局未嘗不仰東林之多賢又未嘗不惜東林  
之濫容匪人卒壞世道併壞東林也卽以于玉立  
言之有謂其才具虛憍性善雄俠其家財力足以  
收養亡命其人機智足以結納死友依傍謀學之  
逸賢大肆傾陷之浮義遠交將大用之老成車騎

紛馳道路近收小有才之新進鷹犬盡入藩籬德  
人之夙負賢名者以爲名高媚秦人之大有權勢  
者以爲厚實羣兒供其願使大臣墮其牢籠年來  
無讎不報無怨不酬無遠近親疎爲其所驅殺殆  
盡天下莫不惕于斯人之威力而兩大起勢已成  
此盛世之大辱而人世之非常也所以然者以

皇上從來虛明爲治惟恐人竊弄其權後且察議論  
之偏排擊太過終不欲人陰借以爲用一切直以  
寬大容之然不知以優容成廢弛以廢弛成旁落  
致使草野之間竊持太阿之柄儼然樹遙制之幟

而爲躍治者所歸也幸而近聞諸賢慮其造禍必  
大業已分斥玉立于東林之外此時大臣未必不  
覺悟其假借肆毒之非將以禍身禍國有妨於  
一已遭時之事業無奈其獻諂者榮之羣小徇強  
附之而不已也此或周達有激于衷者耶今欲小  
破其機局亦惟是伏祈

皇上赫然電斷將沈正宗賀烺諭臣與紹徽估計居  
間之說

勅下部院科道從公會勘一或賊跡有據卽將臣等  
重加究擬雖置之斧鉞無所逃罪如挾私羅織借

事駕誣汚人名節以固黨與則自有明律在一經  
重創將讒邪自消偏重之局可破而蕩平之治成  
矣臣杜門乞休已久慰臣者皆曰惟緘口可以弭  
禍臣曰人皆有避禍之時惟言官不可有避禍之  
心避禍則趨利將何所不至於國家何利焉今  
禍且日逼不止於臣之一身矣故略陳其事以  
請會勘如此臣不勝激切待命之至

壬子二月十四日

原任浙江道監察御史今陞陝西寧夏兵糧副使  
喬應甲爲臣病轉劇新

命久稽謹再直陳不能赴任之由仰祈

聖鑒事臣以浙江道御史陞轉寧夏副使連章上

請未蒙

天聽以時情觀之未免以重內輕外爲臣疑不知銜  
史七品郎官耳一旦由七品而四品由郎官而方  
面有何不可且人臣苟可面報宜無擇地本朝  
固多宏碩豈由京堂臣于此察之審矣籌已熟矣  
然臣今日所以必不能赴任者有萬不得已者奪

其情其說蓋有五焉臣靖爲

皇上陳之臣前歲曾乞外轉爲臣父母年高冀得就近地迎養緣臣職以盡乎情上願也今寧夏去臣家二千里外又係邊方臣父母必不能跋涉遠行臣安能遺親獨往臣之不能去者一邊方用兵機事也易曰機事不密則害成臣快口直腸遇事便言無能囁嚅以待吏部以此推臣人地兩不相宜徒取充位以速官謗臣之自知甚明何敢爲朝廷諱誤邊方事臣之不能去者二臣叅淮撫公論雖云久明而錢神力大鷹犬成羣獻媚假手挾孫



太宰以行一網打盡之計如丁元薦輩日頗有徒  
誰實爲之冰山寧復還思皎日又如周道昌爲毀  
爲譽當烹當封之言影響含糊尤令人莫測似此  
淆亂無復主持屬目多風波之途投足有羅網之  
慮臣之不能去者三銓部職掌京察屬考功年例  
推陞屬文選往時年例待京察後數日方舉去年  
京察本與年例本同日封進考功司郎中王宗賢  
附權害正自知公論難逃又見同司同僚救正者  
衆乃陽推文選司謂好了好了推到選司處去了  
夫以七品小臣該處卽處何嫌何疑乃陽避而陰

持機裝而巧弄不處之處是誠何心假公借私成甚體段故塞臺諫倡言之路徒快權奸報復之私臣志願疑違涓埃難報臣之不能去者四臣以御史陞副使孫太宰所謂腰金衣紫貴列方面者一正一陪自是定規乃從摘叅七人中帶臣姓名槩擬

聖旨知道了既非點正又非點陪從來無此舊規誰不知爲詭計播弄若此夫懷才抱德之士方思高蹈遠引之不暇尚敢覲顏就列長爲忌者所側目此臣之不能去者五夫臣有此五不去而又病在

筋骨步履艱難卽庭除咫尺之間扶掖須人每遇  
二親壽日新年惟率弟侄代致一觴猶不能以一  
拜一跪成禮他可知也夫人臣遭時遇

主言行而道亦行身出而功立見上也進不能以匡  
時而退猶不至于失已次也若進退兩無所據控  
陳又不見原旣貽邊地乏人之憂復阻賢者補除  
之路則志滋戚而又未能一刻安也臣不得已再  
瀝血誠仰乞

陛下憐臣病悴之軀存難效更念臣時勢之值勇  
退爲宜早下吏部覆臣致仕倘一日微藥餌之

效永延菽水之歡卽沒齒戴錫類之仁其敢後  
卿結之報爲此令義男喬務實將原領  
勅書齎赴通政司奏繳不勝望  
關陳情之至

光緒二十二月十五日

戶部福建司主事賀烺爲人品難誣橫議彌熾乞  
勅廷勘以扶正氣以釋羣疑事臣去歲疏折南道御  
史周達因其爲奸黨張焰而并排擊于衡泌棲遲  
之士恐

陛下因達一言而過疑放逐諸臣且并疑山公之啟  
事與夫臺諫之劾書盡屬誣罔遂從此永絕求舊  
之路則賢關結轡而天下事愈不可爲蓋一臣禁  
錮猶不足言所惜者阻後來忠直之氣使人人重  
得罪而忘國恤此其事關邪正消長世道否泰  
誼有難干隱默者周達疏辨駁正自有科道臣不

宜有言當此不諱之 朝乃進防口之說明悖

祖宗直言無隱之條明導人臣雷同罔上之漸豈戶  
背新進之臣獨非王臣將坐視 國家公論可以  
變亂于愛憎之口乎昔叔向對晉侯謂大臣持祿  
而不極諫小臣畏罪而不敢言下情不得上通此  
患之大者卽我 朝廷清白之風氣盛半出于翰  
林卿寺部屬諸臣豈達未之知耶于玉立與臣同  
郡其立 朝持凜凜之節居鄉守恂恂之規海內  
多知其概臣愚尤悉其詳故以聞見之真爲之表  
白而并以指摘之故挾達之用謀誠不忍十年未

雪之沉寃遂憑曲筆勾除以慰杞檜之寃于家食  
猶惜此百折不回之奇節毋爲簧口煽亂可究管  
樂之用于當廷乃周達卿臣入骨而甘心詆臣洗  
索不得于居官据撫併及于生產詎知臣非富室  
玉立之後何必借資况乎白首爲郎而云市得美  
官達將以誰証乎臣父學仁僅守箕裘之遺不乏  
鄉曲之譽錢策疏論段然帶出一語借以爲証原  
屬無影曾何累于段然而摻尋到此不亦技窮力  
竭已乎于玉立非考試官有何機謀可借科臣名  
目有何畏人之議其後而以夢寐所不到之語忽

加于臣臣不任受近來科場之說衆所共知者或  
別有其人周達乃欲移而駕之于臣將借臣分謗  
而代人解嘲乎若于玉立之生平原有定案寒暄  
來往之牒當年借計巧排本非出

聖主之意生死患難之交今日空勞離間未必快奸  
相之心起廢係當今急務推而不下之虛銜猶謂  
以媚秦而得則年來起廢不少程才量品而優  
之者亦不少豈皆以媚秦得之卽非秦人而繼秦  
者廢可毋起乎白駒食藿方將挽其遁思青蠅止  
棘乃欲阻其連茹且枕石漱流之輩加以投關抵



璧之譏達卽好語排擠獨不念振鷺之未充嗟雉  
膏之不食哉東林非自標榜排林下者輒以東林  
爲言故東林之名益噪旣以東林陷穽人而復以  
東林爲招搖人則東林果賢耶否耶達又何其無  
特操也詆玉立則詆之已耳必不容臣再出口達  
將以此恐赫箝制使人噤不敢發乎欲加之罪何  
患無辭第達爲不根之語亦復何難卽如養刺客  
飛盜等語徒借掩口耳達雖謂與徐兆魁曾無一  
面今觀其疏中大意若出一口兆魁曰營謀吏部  
達亦曰與吏部官交通營謀兆魁曰大寮前以私

書把持達亦曰察典不得行其言故恨交通朋陷  
之情形不既洞然難掩乎達更詆臣爲護法聞達  
疏上之後尚有致語達者云原疏不痛不癢不如  
不上必一棍打死爲妙然則達又誰之鷹犬乎使  
達少知忠邪之大分亦何致爲人所悞而自褻其  
臺省之重若此哉至于爲舊輔沈一貫復仇達之  
肺肝已露而但以爲臭腐之談不知楚事妖書亦  
可以臭腐二字抹殺否年來飛書輦金直至都下  
文通金吾以阻阨君子向用之路其舊日汲引之  
人至今分布中外日肆流言以誑惑後進搖撼正

人實欲爲待燃之寒灰以置再更之棋局卽今蒼  
蔚朝濟棗旆盈路宇宙不得清明妖氛不得屏息  
職此之故若夫李廷機當鐘鳴漏盡之日無夜猿  
秋雁之思明爲一貫殿後爲繼偕引手舉

朝方蒿目而憂而周達乃惡人挾發湯爲厭聞也耶  
大抵小人君子各從其類小人之路無窮于五丁  
故從之者易君子之途如登千九折故由之者難  
所恃

皇上日月之明雷霆之斷令奸邪無遁形耳及今不  
加別白則萑菲貝錦愈譁然交戟之下弓矢增緣

益騷動衡泌之間雨雪無見睨之期蛾眉召譏詠  
之口方將指痛哭流涕爲妖孽必欲以黨碑朝榜  
流毒善類禍中 國家他日雖有噬臍之悔亦何  
及哉臣前疏尚在

御前伏乞 檢發并今疏及周達等疏 勅下九卿  
科道從公勘議如果臣言不謬則周達等當伏黨  
邪害正之誅卽禡臣罪臣以謝周達以爲人臣出  
位而言之戒臣無所恨臣無任激切待  
命之至

壬子二月十五日

廣西道御史馬孟禎林居久屈之臣不堪重加摧折事臣聞即報見有原任刑部郎中于玉立江干一逐臣耳一時臣工言事扯入奏章此擊彼攻愈引愈長不遺餘力幾無行矣乃臣竊平心一評考玉立素履筮仕建言觸忤首輔請告里居凡十有年再拜原官適當楚事相構持論不阿雖座師力招之卒不忍背良友其行已爲甚方妖書發難懷恨中傷者但一寒溫語以鑽營一日逐兩郎中並連及一太宰身幾不免至今言其事無論知與不知咸爲太息其被逐爲甚寃癸未甲科歷資三十

年先後授官不逾刑曹不及五載此外皆家食之日雖一二年來公論不棄曾經一再起推而前人線索尚存終成畫餅其遭遇爲晁厄反覆吹求藐焉廢臣一片剛腸羸有半生蹭蹬實無他罪縱其壯心未息感慨時事就中或有月旦之詞然亦事在語言快口招尤祇應責以韜光之義若曰是能指授朝紳能遙制國是也者則士各有志語默動靜一事少差生平盡壞誰肯受指使于他人林泉自林泉國是爲國是廟堂上黜陟一人興革一事當事諸臣不知幾經商酌請自

聖裁而謂一介小臣力能遙制談何容易且事有關  
係不獨一人而情有揣摩不宜已甚者起廢一事  
滿朝力請但求

俞旨早下豈嫌破格超遷如身未出山而先蒙媚世  
之譏竊恐林下諸臣慮有終南之後議雖賜環  
不敢入朝古有千里問訊至今爲美談者矣之楚  
之汴夙昔會同患難之故人偶一造廬犯何公論  
而無端揣以他腸舉此羅爲罪案亦又何相厄之  
極耶見任臣工各言所言公論當自定耳相爭不  
下獨苦此沉寃林下之人受此集矢職目擊時事

竊深有慨于中用是據事直陳仰祈

聖鑒俯俟公評臣無任悚息待命之至

壬子二月十六日



原任浙江道御史今陞陝西寧夏兵備副使喬應  
甲爲九懇

天恩蚤賜休致事臣親老病入上封章不蒙

發票臣詞已窮臣心甚苦伏念臣一介草茅荷蒙

皇上深恩言路不容出就外藩旣便迎養又幹實事  
何負于臣而再四堅辭殆非人情亦非初志但臣  
父母之年俱七十以上俗稱古稀義難出遊況今  
朝端之上多少爲親求去之臣獨臣乃得

俞旨歸田里方幸解組而承歡未久安忍絕裾而復  
事遠征此特就臣爲親一念私心言之而臣病又

萬萬不能出者見今兩腿酸麻跬步不前何以  
上任何以跪拜此皆萬耳萬目共見共聞者安敢欺  
我

皇上也伏願

勅下部院查臣情真病真念臣往還四千里外上疏  
之艱特准致仕寧夏要地蚤爲推補臣得退休  
山林日與田夫共歌太平恭祝

聖壽臣願畢矣

壬子二月十七日

工部營繕司員外郎沈正宗揭頤見鄭御史疏辨  
濫估謂職污巖言官以媚秦人復移師林下之于  
比部且又以濫估爲裁減語甚不倫夫事有顛末  
御史何不循其本也職之援東林也悼方正之不  
容也是國是也職之論濫估也痛虛耗之釀禍  
也是國計也御史倘辨濫估乎亦人情之恒若  
曰職固常疏救比部者必極力巧擠之而反欲入  
職發覺濫估之罪則不可解矣夫職自論濫估者  
孰問其爲鄭職自論居間者孰問其爲王言官自  
污巖耶職污巖之耶當飛矢中於東林也山棲谷

汲詠歌先王之士跼高天踏厚地猶將不免鎮壓  
之禍人禍東林耶東林禍人耶今語及濫估則曰  
東林禍之語及居間則曰東林禍之誰教御史一  
擲五萬誰教給諫情牽利牽豈東林教之耶御史  
所藉口者曰未題本未發銀不知題卽題估定之  
數發卽發估定之銀未題未發豈御史不肯結局  
行文停止耶抑部司遲疑曰姑徐徐云爾耶一萬  
幾千金錢糧估及五萬猶恨其少儘御史意必何  
如足耶今何年逾久盛甲愈敝壞猶能照條例修  
理耶御史不見近日南戶部失庫銀一萬二千餘

金盜由書辦不關主者尚且叅罰四部職今指未  
發之帑金結續以賄估者却望發估數以還貸其  
與自侵帑金有異耶 國家如此漏卮慮開不應  
塞耶管將非矣御史是耶御史又云欠債者不獨  
盜甲商匠職且問商匠何故多欠債此其故不可  
知耶且職正怪同一盜甲匠頭去年職曾發修理  
戊子庫盜甲錢糧三千金無扣債者而獨欲扣京  
營明甲之錢糧豈債主之索債與否亦職與東林  
卮之使之耶當初商匠之乞禁私債也苦求移咨  
刑部都察院等衙門職謂其傷體也僅移東廠錦

衣而止卽此一言亦周御史逼職乃不敢隱職豈  
好發人私耶御史謂職爲誘買職不受商匠之賄  
足矣反行賄以賂商匠耶御史且問正月十七日  
匠頭又何故幾欲擊登聞鼓其姓名詎不在人耳  
目耶職始初一疏卽如修理明盛甲職督促兩月  
不前勢不得不發覺發覺則明盛甲有修理日耶  
咎將誰諉卽年例之推何歲不舉夫獨無官評而  
藉口職耶卽秦人大有力者太宰耳職媚之求速  
化耶容容後福緘默可以干寵者臺在位旦暮不  
忘掛冠善媚人者曾不作一二年計耶職希何榮

于何進耶如今之人以例陞轉腰金衣紫謂非所  
好獨且尤人彼皓首林泉者實反厚耶妖書之日  
死卽死耳將爲名高而忘其身耶兩足旣斬一璞  
未淪無罪無辜讒口囂囂據事發奸者讒耶以不  
平鳴者讒耶新進之職不許言事臺諫老成任叢  
奸弊耶一比部耳一謂其家財力又一謂借貸他  
人何自矛盾耶邇來讒言之生務摧折正人以塞  
賜環之路杜骨鯁之口者夫誰非當年四明所樹至  
今猶得其橫噬之力者而反誣人耶夫方其播虐  
也荆棘繁華芝蘭萎稿卽今流毒鸞鳳羽鍛鴟鴞

喙長是奸人善無窮之福利而善人掛不赦之罪  
辜鷹犬多黨與盛且富貴日久孰過若等耶數年  
來實事現在之人果足臭腐耶職不求有言只就  
御史所言而折之如此是非虛實必有能辯之者  
謹揭

壬子二月十九日



原任戶科給事中今陞山東布政司右叅議王紹徽爲積病纏綿萬難赴任再懇

天恩俯容休致以保殘軀以明分誼事臣於二十九年三月內京察吏部薄示臣罰外轉今職猥荷俞旨卽於本年四月十七日謝

恩辭朝赴任因乘便過家輒嬰疴疾鬱火結痰委頓牀褥業於本年九月齋疏陳情乞休意得弛擔息肩庶可假便調攝少延殘喘不虞孤子微誠不足動

天未蒙批發今旬月以來病益沉重濕痰流注鬱

火上攻腰股不能屈伸天地時覺反覆方伏枕呻吟多方療治吏部復移憑臣家山東撫院司道亦各以尺一督臣上任此時一身安危不足計獨念以臣深痼之疾而責以刻期任事其勢難以臣不能強起之身而致方面懸缺日久地方有廢弛之虞其罪重亦惟是祇切震怖痛苦呼天已耳况揆之於分誼更有難於出者何也憶昔假書之造所牽者臣與劉國縉也金明時之疏所疑者臣與臣座師湯賓尹也今湯賓尹廢劉國縉降金明時與直言之秦聚奎後先無辜俱已廢痼而臣雖側轉

猶得微橫金守藩之列臣實何顏覲然獨立且賓  
尹嘗教臣以剗削崖岸調停人情臣不能奉師之  
教而反以羅織貽之累臣實負師臣與言官共爲  
人所側目爲人所下石而處分不同臣實負友太  
宰與王圖皆臣同鄉先達也臣旣不能依阿同鄉  
迎合先達今日之事轉蒙先憐幸從寬政是臣不  
受私而太宰與王圖若尚有所私於臣者臣將何  
以謝諸臣謝天下後世也併此兩端不得已再瀝  
血誠籲懇於

君父之前伏祈

聖慈特垂矜憫念臣膏肓之病難以生師友之誼不可廢

勅下吏部准臣致仕得與湯賓尹諸臣同放別選賢能推補該道但蚤拜

命任事報君恩守分誼各有存焉臣卽竄伏山藪行且與田夫野叟詠歌

聖世太平於無旣也臣無任隕越之至

壬子三月初三日

原任戶科右給事中今陞山東布政司叅議王紹徽爲去國孤臣游羅橫嶼謹據䟽直折以明臣節事臣入官以來斤斤自守側身局禁切幸無累第以耿介寡合弓影府怨曩假書之造明是暗裏挑唆一網打盡之計而當時攻臣者一則曰以秦攻秦欲斷秦脉一則曰詞林有人鄉曲有人雖不遺餘力矣而猶未有議及臣操守者卽後禮部主事丁元薦有憲臣持議當堅一䟽中有指摘于臣然其附黨附權之狀已經南北臺省諸臣論列臣亦隨被昭雪可置無辦自去秋臣上䟽請告後

復接邸報見工部主事沈...有敬循職掌等疏  
于今歲正月二十九日見戶部主事賀煥有  
國是愈淆一疏其中干及臣者皆無端風影橫加誣  
執臣欲言之念身既隱矣烏容躍冶爲世不祥欲  
終不言恐三至且投杼矣可久負竊鉄爲世所疑  
臣謹按兩臣之疏折其欵段盾諸天理人情聊陳  
悃悃之懷惟

皇上俯垂察焉正宗前後疏言及臣者畧相彷彿大  
都謂 感恩殿工冒破錢糧二十餘萬科臣馬從  
龍因扣除二千餘金在庫不發乃爲奸商王秉忠

冒領而去謂臣居間關說又指陳揚爲妾父對手  
過付云云臣初見駭然莫知其端續接工科右給  
事中張鳳彩辨揭馬從龍叅疏然後知此銀應發  
之故與貯庫之由昭然分晰可曉矣居間之說則  
問之二臣可知也況臣去年出京在四月二十日  
鳳彩冊封回京在于五月中日期各不相蒙後  
鳳彩由禮科轉工科接管廠庫差皆臣夢想所不  
到者彼各據堂批司領掛號于臣何預焉而謂臣  
在三千里外居間乎至以陳揚爲臣妾父又不得  
其解矣臣以望五無子于三十八年十二月二十

日納妾楊氏乃孤女耳何有于父今陳揚業在官  
矣試嚴訊其人伊果有女而臣果納伊女爲妾者  
乎此節勘明其他粧誣即可立斷賀烺疏言及臣  
者所指巡視銀庫與管巡青事除巡視銀庫該科  
未嘗 題臣亦未嘗奉

命巡視此其妄誕不具論矣至謂臣巡青到任之初  
商人欵送銀三伯兩約定盡發往年商價每銀千  
兩孝順銀五十兩逐月放商或二三次或四五次  
計本年發過商價銀三十九萬八千有零實得孝  
順銀一萬四千餘兩指商人徐世寧云云臣按本



庫領銀常規主事先據部院印領將應該給領商  
名銀數挨年順序填註一單請巡視科道輪次到  
庫酌量數目多寡按單分別給商商人各隨見貯  
收銀數支領臣亦依循成法于商何德而三伯銀  
之欵每千五十兩之孝順執約而執送之計中府  
等場商人其數不減五六百名衆實有口其孰能  
掩且自臣管差後接管科道已兩易矣誠令先後  
四人明訊暗訪並質諸徐世寧之口若有絲毫染  
指彼將不食吾餘豈獨明法哉至于下庫日期該  
管主事有請則去不請誰肯屑屑不憚煩者若有

意多放矣必下庫數數乎况京糧銀每年約有額數臣豈能於額外增減耶此皆可以案覆也又謂解官王侃如得京糧銀寄頓臣寓整及半年後銀匠陸大傾瀉成色改重作輕兌時被銀庫覺出欲行叅送極力求免乘其放商日期隨收隨放將銀分領各商無不人人痛恨指壩上黃土等商人有口云臣思往時解官解銀到京投報之日卽將原押解銀盡數寄收在太倉銀庫內外房候該管科臣下庫兌收未聞敢解入科臣家者且臣向所居與龍轅衛隣壁乃五都之市車馬錯趾之所又繙

綽所時過而臨焉者豈有整及半年而人不知者  
乎且王侃如見任真定府經歷咫尺神京陸大  
臣不知何許人誠提此二人到官嚴加訊拷伊所  
解銀色數果否低輕果曾與臣見一面接一語否  
且旣爲該庫覺出矣當時誰爲之給庫收極力求  
免臣旨向誰一訊卽決有何難斷臣猶記彼時只  
聞該庫主事李夢祥重收侃如銀四百五十兩有  
奇不聞其覺出之說賀煥何言之謬乎至給散銀  
兩亦係該管主事各照頭項動支搭配自同心計  
臣不過監兌其輕重耳其所領給府場商人亦多

矣何獨壩上黃土商人有口哉徧咨之而其論當益確也又謂臣每下庫一次折飯食銀十二兩計一月之間飯錢七千餘兩縱容家人班皂跟隨到庫需索商人銀庫錢無筭乘醉爭錢在庫門首廝打云云臣思臣每次下庫其先後陪庫非止一二部臣管庫先李夢祥後何人義同陪先張雲翼後張應泰後蕭鳴甲等臣耳此數臣者皆在銀庫同司記籍若狼藉以餽科臣則人各有心誰敢執其咎况銀庫出納自錙銖以上必公同登記設每次折與臣銀十二兩作何支銷此時數臣亦在京可

召而問也臣復憶初次下庫見庫中依常規與臣  
備飯一卓臣聞知其歇家所辦卽與張雪翼同心  
相約以後不須再備遂以爲常後臣惟于臨近處  
所自備飯食食畢下庫此當時同事之臣所共知  
者一飯不食况折銀十二兩哉若臣之家人從來  
未曾隨臣出門今云索錢庫商無筭其所索之人  
必亦皆有可指名者乎若李夢祥之管庫其賊機  
之跡昭彰人耳目後雖緣鑽刺倖免察典迄今尚  
有能言其事者惜當時臣在風波中少一白簡耳  
賀垺何保刺之倒置哉况業知臣爲時論所惜然

名不虛立士不虛附此豈可以倖致耶總之假書  
之出其蔓行株連者已擯斥而臣係正坐之人尚  
掛名仕籍故青蠅之人力加構會又抹殺臣生平  
以補前人所未逮勢固然矣臣于二臣何難焉臣  
聞衆言淆亂折衷于

聖心人情好惡會歸于皇極伏祈

皇上赫然 電斷將沈正宗賀烺論臣事蹟并臣此  
疏

紛下部院及科道公同會勘如事非其虛罪得其實  
請自一貫以上計貫論罪重加臣誅戮以爲言清

行濁者之戒如或故爲構造羅織汚蔑則律稱凡  
假曖昧不明所賊事情汚人名節者自有以也爲  
憲章當此非臣愚賤所敢知也臣不勝隕越待以命  
之至

壬子三月廿七日

戶部廣東司主事李朴爲 朝野人望幾空上下  
否隔冒進危言以安 社稷事臣管倉小臣也爲  
皇上理財者然而理財用人原非二事慮及理財而  
不得不慮及用人常聞樹國者非襲祖宗之成業  
可以長享天下而無害也必自樹人始非任拋擲  
之客盪可以恣吾遺災而不收也必自破奸黨始  
奸黨不破則忠佞混淆夷蹠莫辨其寃也金骨銷  
于係類賢哲竄于嵎岩而天下危而社稷危而人  
主危後雖欲悔噬臍何及此臣所以痛心病首而  
不容已于言者也何也賢者之謀入國家也常出



萬死不顧一生之計而其視爵祿常輕不肖之謀  
空善類也常尋萬有一隙之微而其布羽翼常廣  
臣請歷指其事

皇上試垂聽焉自妖書作而沈一貫爲之謀主肆張  
彌天之網大設坑儒之阱乾坤埋翳宇宙陸沉當  
是時附之者進背之者逐沈鯉逐矣郭正域逐矣  
其餘無辜波及者未易更僕微獨逐也悽惶旅邸  
舉家苦楚之悲飄泊孤舟闔門懼誅之禍至于今  
談及往事猶能使人肌慄心悸而國家之元氣  
一耗矣一貫之流毒嗣是分曹植黨競立門戶意

李三才也旋轉手段呼吸風雲而當其無淮上也  
東江南獨飲之秋貂璫播虐之後望風披靡而彼  
獨力抵頽波刈官爲百姓作主沿江一帶漠然山  
高水清詎可不謂社稷臣而有以爲揮霍不羈有  
以爲廉貪相半有以爲貪而旣比者臣不知其中  
之所藏但見其颯颯雄風真可以搏挽乎天地下  
亦居室真可以比跡于衛荆而阿房塤塤金山珠  
海竟不知構于何處猶使一片赤衷蕭蕭而向三  
徑盤桓也雖時論似已旣言而不可不爲之長太  
息矣此以三才言之而知其任事之人望一空矣

一孫丕揚也以三朝之耆舊八十歲之老人子息  
寥寥家計空空形影相吊齒髮則已盡衰風燭自  
憐墓木則已半拱起林壑而廟堂全爲國恩矢  
忠貞以司銓豈憑已見而議者謂非昔日之丕揚  
盡爲公報復恩怨也誓心天地之老自非營窟借  
叢之流而亦不滿乎時議也試一平心論之果爾  
忘家之臣耶抑全軀保妻子之輩耶此以丕揚言  
之而知其老成之人望一空矣况以呂坤之賢聖  
進公也謗士昌之譙論忤時也以鄒元標趙南星  
之獨立敷陳也而望高山千仞棲泉石凡此數臣

星者夙負時名而朝廷可藉一臂之用家食者始末  
論而爲時所爭者倏以爲賢倏以爲不肖介乎兩  
可而無所適從其始也是非角立喁喁爭鳴不過  
快若此之私將公觀聽愈廣則矣臣以爲士族下  
皇正操不信之心盡疑天下無一定之品朝堂如興  
關之市戲謔徒資談柄罵詈貶笑旁觀規諍之語  
真如聚訟而云切實置以至太僚不補考選不示  
起廢不行卽有忠言亦具并髦雖閣臣葉向高院  
臣許弘綱連篇累牘以疾之請以去就大請而都  
臣孫丕揚焦唇敝舌如以石投水竟不之報且輕

去父母之邦矣此其禍人國家豈小小哉臣以爲  
有天下者有大福也大福之運係于天大福之脉  
培于人人也者可以維泰而不使之衰可以挽衰  
而能使之盛臣敢謂 朝野豈盡乏賢但以賢爲  
不肖而人是其是人非其非至使忠讜流落而不  
偶老成相舉而求去天下事尚可爲哉臣恐蒼蠅  
之讒行于國而懷瑾握瑜者闕矣邪徑之士託于  
勢而慷慨任事之人入山唯恐不密矣天下無事  
則已一旦有事且見

皇上獨立于朝而孰有爲心膂股肱者乎孰有爲扞

衛外藩者乎

皇上爲人守持

宗廟撫有四海至使抱空國以立于臣之上

皇上縱不爲天下臣民計柰社稷何柰

祖宗在天之靈何然究其原方正之不容也邪曲之害公也甲乙爭勝而不下其遺毒餘烈日彊日尋而莫可解也乃知奸黨一日不散則人才一日可憂人才一日可憂而關係

皇上泰運者一日不得敗心也昔微子去而殷虛屈原逐而楚併子胥以鴟夷白隕范增以剖斗鳴怨

至于今悲興忝離哀切湘潭浪起江濤憤鬱玉玦  
而天運隨之彼何常不因小人交構其間而其君  
不信以至于苦口之言不入而腹背相猜忠臣解  
體更姓改物爲覆轍之鑒也可不哀哉臣以爲欲  
使仕路之清明當決明黨之藩籬欲決明黨之藩  
籬當奮太阿之乾斷或一人而是非互執者或一  
事而累年莫決者或兩是而相持不下者然其平  
日之好醜才品之高下海內有目者見有耳者聞  
公道之在人心未必盡死試一從公核實果爲世  
道之妬爲百姓之賊不妨顯誅其身并戮臣以爲

附和之戒如果其人有益于朝廷無損于國  
脉不得以含沙之巧血口之噴矢棄白駒于空谷  
而快魑魅于清晝此在

皇上動念間耳芝蘭荆棘枝葉自是不同翻雲覆雨  
詐僞固可立見是非既判鴻漸既庭在朝者未  
必有丘澤之想在野者未必既彈冠之慶用以奠  
宗社于磐石之固而指天下于苞桑之盛恒必由之  
何爲以疑貳之心塞衆正之路開羣枉之門而考  
選堅執不下大僚起廢猶豫而不行哉臣見天下  
之論事者大抵論線索論脉動輒曰抹殺公論而



秦庶漸脉終日喧喧虧屈多少豪傑臣不知何脉  
亦不知何線索祇以才當釋疑竇當釋朋黨當散  
議論當公論人者不宜以脉之一字盡束于羅網  
之內亦不求勝之念橫恣肆以嫚罵之口唯在  
皇上察其邪正而歸之于斷則秦運永絛而日中  
之治與天無極矣臣無任懇切待

命之至

壬子四月十四日

直隸提學御史熊廷弼爲按臣疑誣異常微臣執法有據謹平心說明以付公論事應天按臣荆養喬陡然回籍臣正歲考常州去地方數日而始知之方念其孤身在外新聞喪妻或偶有傷感而去不意其忽有專疏論臣而以梅氏一事爲掛冠題目也據疏大意謂臣庇奸殺人婿人不黜犯奸生員梅宣祚等反處公舉生員芮應元等爲寬梅氏重徐氏用盡一片殺人心腹想湯臬手刃有功人謂臣大奸主謀令心腹中人微寧道張九德應天府推官周子蕃誘致渠失以爲遮掩併及涇縣知

縣姜習孔蕪湖知縣魏士前發原知縣趙昌期  
臣拔爲羽翼以與之梗讀之數過茫然不曉所謂  
臣無處致辨惟據治梅氏一事言之宣城梅振祚  
等奸拐徐氏已經撫按叅提在先及去冬臣至徐  
沈梅三家及生員蘇海望等百姓鄭尚聘等皆有  
詞臣皆批府查問今年正月府詳至擬梅振祚梅  
子祚湯必守徒罪梅宜祚梅羽祚梅俞祚梅望祚  
四人杖革臣謂事關各官風化甚大擬徒尚輕梅  
宜祚等旣爲徐氏同席飲譴豈無奸情若不究明  
他日必圖辯復遂駁批云梅振祚等惡少宜淫窩

奸徐氏弟兄聚廳爲禽獸行傷風敗俗恨不手刃  
以快衆憤卽律無死法而寺觀神刀奸誘走者例  
得遣戍一徒果足盡其惡乎徐氏之外奔也譬如  
一兔在野人人得而取之梅宣祚等是否止於同  
席飲譖豈體面所在奸事故有難於盡言者耶醜  
破至此何益徒留四所辯實耳且梅宣祚等初首  
於徐佑四再告於沈有莘三告於徐沈朋官府據  
此自是正法而馮應祥蘇海望等假稱義舉結黨  
來京望門投訴奔走者往如隄惡習不懲何待而  
鄭尚聘等紛紛告擾陰快私情而陽借留賢爲名

此奸民之尤者也徽寧道一併覆確另招速報夫  
府擬徒臣駁戍臣不寬梅氏也府招止同席飲諱  
而臣追究奸情臣不還宣祚等故物也按臣但知  
同席飲諱干碍行止爲可革而不知究出奸情一  
革不可復辯臣意乃更重耳但見臣不卽革宣祚  
等爲欲還故物而不知法家之體未有軍未免而  
先免杖革者臣於此自不錯耳駁云徐氏外奔譬  
如一兔在野人人得而取之梅宣祚等是否止於  
同席飲諱語意甚明一恒人能辯之而按臣乃據  
此駁臣以爲寬梅氏重徐氏誤矣臣請爲按臣註

解之曰人人得而取之者正見梅宜祚等羣奸之  
也是否止於同席飲諛者正言其不止於同席飲  
諛而必得其奸狀也借令審時徽寧道不將駁語  
細細講明而徒以曲解混語答應則誰爲曲解者  
豈該道亦不諳文移語耶至謂臣不責宜祚等一  
板而公殺義士芮應元以謝之爲殺人婿人不知  
宜祚等之招該府止於詳報未經解審何從責板  
而公舉生員中並無芮應元名字按臣旣以殺此  
一人爲婿人公案何不一記的確以無名氏入疏  
且按臣信以公舉生員爲義士乎臣請得而言其

槩寧國風俗薄惡士大夫彼此相傾財買府縣生員出頭假通學公舉以勝之而又有有一種奸民以告訐保留爲義舉每假公濟私乘機打搶以爲利以此近年學霸市棍日見縱橫動輒糾衆結黨打詹打顏而圖搶劫奪之風益猖獗不可言臣私心憂之當蘇海望等之公舉也盛稱徐氏素閑嫗訓溪閨貞節大旨在爲徐尚書掩其女之淫奔指爲振祚等劫去以見其爲徐氏之不幸而不知竊經年又走別省是却是和掩誰耳目臣故批二淫爲貞大傷風化然猶未知其有受賄情

出巡科考據該府該學開報蘇海望李茂先馬應祥芮永縉等行劣事蹟內稱海望等當日公舉得受徐家財物銀魚州南京者人各五兩往太平池州者人各三兩見本府人各三錢跪一跪三錢安家有錢僱舡有錢轎馬有錢衣食有錢且海望先與議定拚了秀才許銀四百兩代納監生逐日明倫堂搥鼓聚衆萬教官諭令不從等情臣始見而恨之發府查審招實坐以詐欺徒罪是時生員王夢等一百餘人呈辯並無出名公舉親往各院皆係蘇海望等盜寫名字以遺已累懇乞分豁等情



而海望亦供稱當日見南京科道及撫按各衙門者多棍徒及徐宅家人假裝生員穿衣巾克數惟不敢進見臣院進臣院者獨有芮永縉弟芮永綵係按院訪犯及沈宦門館浙人姓趙者在內亦經該府審實在卷夫以公舉而指淫爲貞以公舉而行財受賄以公舉而盜寫通學姓名以公舉而使棍徒家人訪犯及門館人等假裝生員進見官府是尚得爲公舉乎若以此等公舉爲義士而棍徒家人訪犯及門館人等亦可以稱士乎若以此等士不宜處治則

勅諭內載糾衆扛幫聚至十人以上爲首問遣之例  
何不寬此義士而必遣之乎且此等義士義民名  
色爲人上者亦何可以風示宇下南直隸十四府  
倘有此兩種人地方豈得貼然使學校不成學校  
衙門不成衙門地方不成地方武斷鄉曲而不必  
官府籍沒鄉官而不必

朝廷搶擄以爲常而變亂日聞羣盜有所恃而劫掠  
四起人人自危家家不保而忽以一清平世界變  
爲禽獸夷狄盜賊之鄉假令在在如是人人效尤  
天下豈不大亂而臣亦惡得而不處之蓋救時救

亂之計不得不出於此而按臣止以爲欲寬楊氏何窺臣之小也至於摘臣批語施湯故智之句以爲擁戴湯賓尹實錄又何誣臣之誤也臣向不識賓尹是何面孔亦不知當日事娶始末但卷查先年生員施大德與賓尹族叔湯一泰爭娶徐氏因而致死徐尚書鼓倡生員馮應祥等以舉節爲名建祠有年後該雲南道史御史論劾宣城縣節婦徐氏冒濫名節應毀淫祠而前學臣史學遷據此牌行徽寧道查明徐氏致死根因乃批詳云據糧里之公呈地方之正論則徐氏死非大義冒節多

冠殉也按臣卽長伏山林以謝臣臣不任受謝願  
獨嘆臣與按臣同咨同事本切緇衣之好絕無芥  
蒂之嫌而忽生無影之疑遽發乘墉之矢臣方與  
之坦懷以相處按臣蚤賦衷甲而見圖誠不意謹  
厚者亦復爲此而世道人心益不可測耳伏候  
聖明裁察臣無任惶恐急切之至

壬子八月十七日

提督學校巡按直隸監察御史熊廷弼揭爲頃被  
察兵科宋一韓主使書辦史晉上疏誣職已具有  
疏辨矣至若原任道長劉義齊所以得罪亦太韓  
之故亦爲杜松事起而職實有以累之初西北虜  
款伏遼固晏然無恙也自一韓主張杜松殺降諍  
捷致虜報讐陷大勝堡一城陸續殺擄數千人全  
遼洶洶道長目擊荼毒受禍固深恨一韓及職發  
松殺降狀一韓復庇護松大肆醜詆而道長益憤  
憤逢人輒罵一韓不去口已而王弘庭崇科爲體  
臺房素中王二固王筠蒼各道長交章奏一韓

韓急復奴顏求解于道長暮夜扣門屢乞饒免而  
道長益鄙之指面數斥不少貸此道長與一韓相  
構之故長安中所共知者然使職不以發摘傷一  
韓之心而致其詆誣則一韓亦將不以潑賴觸道  
長之憤而招其訾罵故曰職實有以累道長者此  
也特爲表而出之道長伉直獨立人也在臺糾繩  
不避以正氣聞被察而去公論寃之如以爲柰成  
梁私人則晉之疏由亦指舊太宰爲成梁私人矣  
何不以成梁故私道長而反手處之其說之誣罔  
類如此謹揭

壬子八月十七日

福建道御史錢春爲險肆寺臣營私鬻法清班久玷公議大乖懇乞

聖明亟賜斥逐以端士習以肅官邪事臣職在守法然使匪人濫通朝籍而乘以專權固位之心慮軋已則邪正爭爲簞鼓思楓徒崇邪競爲標表于是不難破繩檢而以法爲市至于以法爲市而流之生禍不可言矣此國家所貴乎不二心之臣而盤據之窟斷不可以不清也頃臣待

命輦轂諦視羣生者越二年所其間奉公則拙謀進則工祈禱朝祿而裂衣玉章狎不肖以輕君承

固無若太僕寺少卿徐兆魁者臣敢異默不言以  
辜

皇上拔擢至意乎輒不勝欸欸之愚畧陳其概幸  
皇上垂聽焉臣謹按兆魁恃小有才恣大無忌似子  
車之鰕偏噬異已類黎丘之鬼甚能惑人乃其建  
豎靡得而稱垢穢擢髮難數臣第始舉其衆目共  
覩親手作供者則有如我

皇上籲俊求賢式重新標之舉故惟釐奸剔蠹克堪  
綱紀之司庚戌科場人言嘖嘖問誰監試實惟兆  
魁夫禮卿之號簿見存難云無弊兆魁不知而不



言且無辭于失察也況忍于決裂大典僅乃巧  
構尺書是有意匿奸臣謂罪更浮于作奸者兆魁  
抑何辭之與有唐魏徵之論臣品也如善嫉賢名  
曰奸臣安官貪祿名曰具臣臣考兆魁建白渺無  
一事晚攻淮撫亦可奇也其德色何疑然局至跡  
高心蕩惡人議其後而欲啓坑儒之慘禍懸監謗  
百之厲禁乎山中麋鹿錯認豺狼輦上斧斤徧刊  
林木甚而貶楊時訾吳與弼譏李材詆羅汝芳孔  
庶思挑釁朝堂欲謗言詞詖謬形踪猖狂實過此  
臣不能爲兆魁解也若其臺俸虛糜九年未全用

例不復職顧猶戀不肯舍濡不忍割結縱筦篆不  
間一日閉門驟馬驅中第見終朝掃徑腐鼠可嚇  
雞肋兢珍仍守故棲希塵華胄果而罔卿得

旨意氣揭然墮棄三尺毀滅四維金紫榮傲而廉耻  
道喪矣清夜自思臣知兆魁亦無以自解也尤可  
鄙者庶民子來尚知好義豈以縉紳翻不急公就  
令有司強項不善趨承催科之政稍拙亦不應以  
士夫反唇據形白簡居邦之禮全虧人言官司被  
兆魁脇挾鄉里被兆魁併兼懸斯以觀當非虛語  
是不但立朝而速官謗抑亦在野而媿鄉評矣嗟

乎兆魁何以狼狽乃爾蓋臣聞兆魁負仇暴之氣  
而無禮義以養其心穿窬惟務飽人挾沉暗之資  
而有勢利以牽其念鄙夫不免患失附下罔上誣  
善鄙忠蟻集羶麾之不去獸惡網決之爲快以致  
壞法亂紀長媚嫉之風貪位慕祿靈傲狼之態無  
足恠也臣獨恨華要溷膺遽蒞充路倘猶三槐不  
加百足無恙以任其蚤夜合謀地罔相傾羽翼更  
多折壓日中不正衝以失光而廟堂亦闇然失色  
臣又竊爲此懼故天下引領

皇上豺虎之畀意非一朝而願附于鷹鷂之逐慮不

再計耳抑臣固非不知兆魁墻壁堅牢撼而不動  
勢炎薰灼觸之必焦但雖約四端未罄百醜又俱  
兆魁自犯自供而臣亦惟就事說事夫聞惡不詳  
於更僕猶爲顧惜衙門糾邪不患乎隕身直有聽  
憑刀俎伏乞

皇上母晉中而亟勅下吏部且諭吏部毋畏徇  
而速爲覆處自此朝無冒濫國有紀綱卽禍  
發于機遽遭入噬臣誠無所復恨矣

二十月十八日

太僕寺少卿徐毳魁爲臺臣傾陷有因愚臣遜避  
無路謹畧剖辨仰乞

聖慈洞鑒更乞 早賜罷斥以無辱班行事臣廣東  
拙戇人也通籍二十餘年半多家食遯從巡視南  
城以及巡關按閩按楚所知持節砥法理枉伸寃  
祗竭夙夜在公之勞期無負 任使固未有吊詭  
炫竒之行足述縉紳間而知臣者未嘗無人嫉臣  
者未嘗有人也只緣庚戌之春疏論淮撫李三才  
貪橫不法遂觸其黨朋起交攻職辨疏中曾及東  
林遂爲今日不可解之讐怨福建道試御史錢春

者東林錢一本子也吳亮賀烺兒親也吳亮藉顧  
憲成書攻臣臣有駁疏賀烺捏風影語攻臣臣亦  
有駁疏難自誰起此何足爲錢春狐兔深悲乃春  
等構謀待發要非一日之積矣近傳賀烺父賀學  
仁賣田八百畝賣銀六千兩入都意專有所圖勢  
必及臣臣未之信今春果有疏其言驗矣疏首以  
營私鬻法爲辭臣乍傳未解及指庚戌會場號簿  
謂臣知而不言不知場中事體簾以內二主考主  
之簾以外臣與翁正春孔貞一金應鳳韓萬象共  
之所云號簿乃主考內簾分卷之簿也此簿未揭

榜前在三生考手既揭榜後在吳道南手始終非  
監試所得見錢春以此評臣爲鬻法何賸賸耶當  
日提調韓萬象乃賀煥鄉試座主錢春試從一問  
當知其言之謬矣于王立教人攻臣其書四出彼  
書末段自叙甚明其洩也則天爲之也何待臣構  
楊時吳與弼李材羅汝芳皆講學人瑕瑜自不相  
掩臣前疏特借之以明道學之難真非有意貶之  
也且臣所引之言皆古今成說原非臣創春以此  
爲能感人噬已不知所惑所噬者果何人耶淮黨  
之內臣未嘗詆攻他人東林有稱賢者于王立吳

亮外臣未嘗輕詆一人且有淮黨東林而外海內  
爲善爲君子者何許爲臣所妬所嫉所傾者又誰  
耶臣邑署印父母官馮士豪受計伺臣螫臣至密  
至毒臣久隱忍不言及于玉立授計攻臣轉急不  
得已乃稍發于其死後在恒情猶以爲忠厚之過  
錢春反以此短臣乎未論淮撫之前臣建白未嘗  
無春不與臣同時宜其襲汪懷德口吻臣曾役楚  
今錢春亦將有楚差異時請密設法而求春或賢  
或穢春當自見茲且勿輕疑臣也臣素寡交客投  
一刺臣纔報一次卽二三大臣有經年未往一面



者自信無附炎趨熱之跡又安得有私交私狎之人抗暴傲狠無一像臣生平比周抑壓無一得臣彷彿所云牆壁必權力足以進臣庇臣者何官何氏臣曾絲髮藉一人之力乎此不獨臣自知甚明想舉朝持正諸臣共有耳目或能諒臣之素也至謂官司被臣脇挾鄉里被臣併兼又不知官司爲何名脇挾爲何事被併兼爲何人臣邑爲父母者見在仕途有四人未嘗一人失歡臣家素習事無訟何因而脇挾至臣一鄉雖小待臣而周擔石者歲所時有莫不倚臣爲骨肉併兼又何從施臣

子事

君受一日職事則有一日俸薪九年始遷不獨臣一人逾十年而始遷者前時又多其人貪位慕祿何能獨謂臣也然臣所以不容于春者小京堂中拜命後不拘實臣添註皆得借一差歸獨太僕京營東西路三少卿皆領 敕行事無借差例故臣積俸逾期未能釋擔勉而處此既碍淮撫大拜之望益拂東林推戴之情其視臣也猶著木之屑一瞬不去必不能安此疏之及臣也又奚忤哉錢春滿紙浮詞譎張恣睢無天無日信口昧心新御史之風

裁一班已見若春之爲何如人則近日常州知府  
父子祖孫濟惡一揭亦足古其概矣伏乞

陛下將臣疏與錢春疏并下閣部院九卿科道從公  
勘議孰虛孰實 蚤賜處分毋令排陷成風正人  
重足于世道未嘗無補若臣父處危地義無可置  
仍乞

聖慈蚤賜罷斥臣卽伏丘壑尤榮于一歲三遷矣

壬子十月廿二日

福建道御史錢春爲邪臣聞言理屈大肆鴟張懇  
乞

聖明特賜顯斥以疏穢途以重言路以保善類事臣  
久居長安太僕寺少卿徐兆魁者沾戀祿位不顧  
身名蠹壞紀綱狡營窟穴驅南駕北敲東擊西濁  
浪幾翻清流欲滅伏念世受國恩義難循默不  
謀妻子甘碎狂鋒謹以其近時四款實封奏聞意  
存雅道未暇縷舉上有國法下有公論爲兆魁  
計惟有席藁待罪以俟

聖明處分詎宜露爪張牙反噬言者至自謂所至砥

節持法在公無負任使類市倡之自炫已不復知  
人間有羞耻事又指臣父爲東林而原敬起于南  
淮吳亮賀煥與臣構謀夫兆魁一生得意處臣前  
疏未嘗沒沒何煩更自標榜顧憲成骨朽矣李三  
才灰冷矣職忝居

皇上耳目之司將令抱全軀保妻子之念顧臣姻婭  
之嫌如兆魁之半世裝龔做啞父師之訓謂何且  
出門一疏輒復傍人臣豈猶兆魁之把柄毫不在  
手而線索任人提挈者耶賈豎喧噪醉夫罵座旁  
觀竊笑臣俱不必分疏以賣 宸聽則請以其強

顏惡口若辭若就者再一折之科場習法兆魁大  
負任使詆贖贖必兆魁察察乃可據稱監試 臣  
掌專主簾外號簿不見分任有人臣卽問兆魁大  
凡閣中拆號填卷必向監試此爲簾以外事否一  
心有主兩目生花號簿非所得見矣人言籍籍兆  
魁耳亦得聞否曹郎提調御史監之猥取畫諾受  
成事否孔貞一旋報丁艱兆魁無他變故且得與  
之分過否臣言不謬兆魁乃真贖贖耳若韓敬願  
獻人行而兆魁侈拱壁之獲于當筵漫曰天爲之  
其以天可欺耶諸儒繕修一世而兆魁操入室之

其身後詭云引來成說其奸莠不辨者耶臣論  
兆魁謂九年考滿覲頒完事以爲違 今甲兆魁  
應臣謂期月京堂不得脫身弛擔以爲違 勅書  
臣論兆魁直指疏摘馮士豪以爲治民犯父母兆  
魁應臣曲捏臣家爲典郡者所揭以爲公祖同鄉  
兆魁果忠厚乎臣果濟惡于辭遁聊爲躲閃之計  
情窮狼行報復之謀三考例無復職兆魁卽利口  
猶禁利四鄉例不暫歸兆魁之貪心更露矣獨念  
臣父廿載沉淪公門不入臣十年干役里門未過  
自好有之何惡之濟臣公祖官廉愛有聲不替武

廬奚逃下石想惟兆魁知之臣實不解嗟夫兆魁  
一邪扼路要克焰四騰逢

聖主以畢世而怒直臣以報權奸沈一貫等邪翼之  
德今內則與王之禎等四三僉壬曉夜聚謀外則  
鼓合裂名敗檢之徒犯上凌尊之輩流言飛文刊  
書作揭或手目竄定倩人播傳使宇內林無帖翼  
淵無寧鱗比周折壓所在而是猶云未嘗依牆靠  
壁泛攻輕詆妬嫉傾害疇其信之故談者比之妖  
孽無不掩口見者等之糞穢惟恐沾身就如臣一  
履虎尾自知必喂囓吻然何至滅門前者其黨投



賄東林一段實兆魁授意臣已知風勸天下有司其計甚巧但勞堪出撫而洪朝選死陳紳司李而劉臺成此何等事而兆魁欲挑激成之正恐天下有司不甘受污必共唾之耳自聖自雄百般煽惑臣知有賈誼劉向何必同時兆魁無治安等疏膽炙人口縱有建白知其必爲佐關陰謀可無疑也況兆魁狼籍不能砥礪臣未入楚已蚤見其巡方而賄賂暗通于承差枉自說清道白又聞居鄉而籍名于養濟不辭內垢含羞若億萬海田之各聲五百御史之橫行道路側目一干

防人劊刃何在職以爲脇挾未足以方其毒者兆  
鬼或又揚揚以爲忠厚之過未可知也臣原無心  
求勝彼縱矯誣終不忍覲縷以失崇雅之意伏思  
據實糾叅翻稱排陷蒼黃譁張枝梧矛盾若不點  
破或受蔽蒙伏乞

皇上俯從兆魁之請將先今各疏

勅下各部院九卿科道亟爲勘處毋令和人得志善  
類幾空若兆魁意未干休必行罄毒將臣一家父  
子祖孫盡從吏議實無所悔臣不勝待 命之至

壬子十月廿六日

太僕寺少卿徐珏魁爲發奸觸恨誣讎不根志慙  
身危義難就列懇乞

聖明察臣萬不得已情境 早賜罷斥以稍全去路  
事項者福建道御史錢春蓄恨排臣于本月十九  
日具疏畧爲分割數日待罪覲得

明旨處分容臣速去原非求勝乃春復有疏矣其意  
專以戀位二字驅臣臣已不能乃復昧心摭摭滿  
口誣穢春疏與臣疏具在自難逃

聖明洞察若指臣爲邪臣指臣疏爲理屈不知發奸  
者邪乎傾發奸之人者邪乎人臣章奏欺則理屈

不欺則未嘗屈臣疏何曾一字欺也公論具在豈  
一錢春之口能屈伸之會場號簿乃主考自置于  
內簾所以記分卷十八房之數歷科以來非監試  
所得見者末場分卷後主考已置不復省填榜之  
日亦不携置堂中以畧刻倥偬之辰關防諸務監  
試亦自不少乃無端而問此簿得否吳道南場後  
許久乃有遺言亦簿入道南手暇豫細查乃知耳  
知而不發咎將誰執春乃欲歸責于場前往例所  
不知之覺察於理順乎逆乎以此爲鬻法則焚試

卓擢列不如法臣曾拏校尉班皂等六七人而韓敬長班在焉于是頗互存形跡鮮相面謂曾有一日筵宴之會則天當殛之敬不順玉立意攻臣自是瞞心不過玉立書豈從敬授春不歸咎貽書之非而疑恨于洩漏之故黨護之情何其密也御史歷俸七年無他過得轉京堂及十年前臺中員乏乃奉

旨九年始遷其中俸及九年但以三考滿日公文報部不復回道以聽序轉故曹楷吳崇禮何熊祥俸俱十年十一年以上乃陞何爾健俸則十二年矣

有爲之前臣乃踵其後以此爲貪戀必務巧速而營超陞乃不貪戀乎沈一貫當時臣居憂何從卯翼王之禎之父王諒原任太僕寺少卿當後報戒嚴謙奉

旨練兵于河保等郡臣察知無益乃疏

請掣回之禎爲父怪臣與否臣不能知臣何由而與之結海內刊書具揭之人或激公憤或鳴已冤豈曰盡無然旣非匿名法所不禁總之江南居多此何以故江南人與臣風馬牛不相及何能挑動何待臣爲之竄定播傳春等不鑒灌氏渭水之淫而

欲效商君偶語之法假此箝衆口箝則箝矣恐相  
怨一方之民吞聲而飲恨者川潰亦有時也墻壁  
二字春尚辨別不真妖孽糞穢之言豈宜出春一  
口春疏又云前者其投賄東林一段係臣授意臣  
茫然未知所指教人攻人自非盛德事以臣之孱  
弱無力而能授意毋亦視臣太重而疑影太甚乎  
爲按臣而藉承差通賄必不能箝承差口必不能  
掩士大夫耳目閩楚順天爲士大夫不少順天按  
差舊爲臣承差者尚有人春試一一質問當知臣  
之素履臣家無億萬海田臣鄉之人又非如常州

小民之易虐何從佔奪臣頗有謙謹行久見諒于  
閭里偃僂落折之風素所深慕橫行安見測目爲  
誰臣實一子曰杜門習靜自是書生之常何爲防  
办卽不敢自稱象賢而斤斤自好能守臣嚴自來  
家法斷不買舉人斷不一歲買田一千畝如錢應  
霖之恣橫于武進江陰間也竄名養濟及臣鄉僅  
足糊口之家亦不屑以家人冒此豈江南或有之  
泰乃借此意 臣乎吳 相係南海知縣非臣縣  
父母其初任失意則臣按閩時也再任江西又失  
意則臣居憂時也與臣何干陳臣忠係臣府刑廳



公祖已西之冬有刻帖粘之吏部通衢謂臣不能  
救則可乃臣忠之不免也以省疏糾劾之故也臣  
又何與焉大抵春無可誣臣故從閩人搜此一二  
不得意者將以挑衅激怒爲計甚狡然自來大計  
部院臺省之予奪豈盡憑一鄉官之口乎臣之忠  
厚固自若也春疏矯誣亦已極矣猥云崇雅順其  
言亦當謝矣顧不能不就事畧剖白其所無則臣  
之偏也亦臣之萬不得已也邪正之界本自分明  
螫毒橫加而猶防人反口春亦不恕甚矣臣義不  
能效罵兒詭語相復惟有一去以避鋒端伏乞

下察臣憐臣及早放臣歸里感激  
恩無已時也

壬子十月廿八日

河南道御史潘汝禎爲察事期迫關繫吏治匪輕  
懇乞

聖明早勅內外當事諸臣矢公矢愾以無負大典事  
蓋國家三年計吏予以澄叙流品除暴安民制最  
嚴法最善也然工之信度由于朝下之法守始于  
上

皇上試取考察之義還而自察則賞罰之不斷而勸  
懲之不當孰甚今日乎枚卜急務也何以不行起  
廢特典也何以不報釋繫至仁也何以復閣左在  
蔽則梁盈女橫于宮矣貂璫勝則徐謝噬于府矣

河臣習欺則一山口死命萬人可不報矣邊撫冒  
功則特恩之世實欲幸邀矣病將戀權則取

旨如寄而公議譏彈若罔聞矣朝廷之上若此何

况罷邑大臣敢于欺玩若此何怪守令哉以故今  
日吏治大壞如戴以讓張傑陳翼飛等實繁有徒  
而考功法所籍爲無縱無枉舍撫按之牘其何稽  
焉顧欲觀撫按所定之品須先定撫按之品其人  
誠賢自爾衡鑑不爽淑慝不差儻不然而好惡之  
狂逞賢否之倒置也不可言矣蓋宦途伎倆千態  
萬狀巧曆所不能齊然莫大于真假之榮惑真廉

者嚴于治已假廉者矯飾欺人真才者精神用之  
任事假才者精神用之彌縫真愛民者救困扶傷  
有如一家一體之相顧假爲慈者市恩賈惠惟望  
考成素績之虛聲種種蹊徑難以更僕撫按一人  
一心耳愛憎障之司道錮之左右移之固難以情  
事鑒徹于上矣有一種鄉貢推官明知資望不及  
務以風力勝人銛窩訪之家藏憑羣小之巧構而  
浪加雌黃粧點事欺上官且以其任徇也而信之  
有一種淫橫士夫居間不售而思甘心武斷不行  
而輒目攝或爲浸潤之巧計或進膚受之苦辭連

名累牘要挾中傷上官又以其習與守令處也而  
信之甚者武夫悍師與踐更之逋逃青矜之行輩  
依狐附鼠得乘間而操府縣之短長又其甚者山  
人奕客之談鋒優人妖童之口角出入門下代人  
傾危每搖唇而捏郡邑之優劣由斯以觀卽有循  
吏廉吏疆項與惻幅無華之吏何以安其位而行  
其志而一番卓異之典間爲色莊之輩負之以趨  
彌縫而見信于當途矣庚戌外察未至決裂頗稱  
平明然陳所志別歷中外文學吏治卓有聲聞以  
抗直而遂掛彈章此亦在外之舛錯也鄒希賢

心任事廉貞自矢一時吏畏民懷清望表表東州  
而部議反指爲廣收利權豈其咨詢之未公也蓋  
是時掌功司者朱世守也世守居里醇謹鄉評推  
重而當官望不配位媚權則插足惟恐不前避怨  
則躲身猶恐不後其素柔軟無骨其心似坦而蹊  
其作用托宿道氣而沉醉世情物議沸騰所自來  
矣臣因是居常慨嘆謂銓曹掌選之臣非有品有  
才有識之兼長也何以勝其任而愉快耶劉崇文  
清潔自好以品勝矣而有缺不補有人不用竟日  
偷食視蔭如坐木偶于堂上舉貢吏舍之紛紛陳

說欲領其一言之答應一字之剖決不可得也矧能防奸革弊乎卽如房考分給聘送一巾材所能卒辨而錯亂更改聘儀已納而復還回避乍粘而復揭使滿京訕笑重玷制科有臣如此可謂瘵曠之尤而玩愒之甚也科場壞事宜其首懲矣廼姑以愚昧檢舉猶肆然再揆一選爲京堂地今之愚也詐而已朱光祚躍冶自雄以材勝矣而心行相背始終相繆一惟滑稽播弄似梨園子弟改頭換面色色巧合求快乎已耳其假公濟私不有如道路所指摘者乎大都以已徇人則開徑徑實爲



權爲納賄借人庇已則走徑趨寶爲奧援爲冰山  
寧顧違心之事而犯清議之公哉有臣如此可謂  
才足以文奸智足以飾非亦宜誅而不聽矣廼姑  
以任真乞休出司之日一手勒大選之牘一手修  
終養之文公然欲討好題目以去今之狂也蕩而  
已今察期伊邇銓部大臣秉公虛于上功司諸臣  
極一時之選有品有才有識正宜于此用之勿錯  
過 大端勿辜負

主恩勿自作好醜勿偏徇毀譽以撫按之是非斷  
之獨以平日之聞見而謀之同一洗往日之弊端

特舉卓異之舊典其以風厲海內而詔示將來寧有既乎雖然任察事者功郎而省臣之吏垣臺臣之河南道均有與于斯役以佐主計者湯北京恪守職掌不敢再管察事

皇上久俞其請屬之余懋衡矣科臣曹于汴庚戌之外察昨歲之京察環內外而握其衡行政如彼其久也

皇上縱不原其陟岵之恩而寬之獨不恤察典豈一家之物而周詢非一日之功此時尚尤不知裁汰哉況今一日之內臺臣錢桓喬允升先後俱以

勞遷秩獨何有一于汴推轉不報請假不報豈堂  
堂寺卿終不若炎炎之吏掖也遂其輕若彼而重  
若此乎此臣所未解而有察事之責者所宜亟請  
于

皇上也緣察期漸近臣不自揣猥效欸欸之愚伏乞  
採擇施行并勅內外諸察諸臣矢心共濟庶有光于  
大典而振起吏治不難矣

壬子十一月初一日

太僕寺少卿徐兆魁爲病軀難效報 國終窮懇

乞

聖明俯察犬馬至情 早賜罷斥以謝人言以保全  
生事臣因御史錢春兩疏論臣臣業以速去爲幸  
但辨疏上未三日禮當候

旨處分隨當以一疏明去志不謂王時熙又論臣矣  
疏中誣讎總屬一機關總同一羅織將置之盡不  
辨則熙以爲詞窮將盡爲辨則又以爲失體臣莫  
知所處矣然終有不容不辨者身可退誣詞不敢  
受也臣無心游世人也無險腸亦無柔腸無涉世

之術亦無巧于中人之術若謂樹援則舉目可爲  
臣撰者誰乎僞學之詆古今所載列道學之  
果真何浮言之能詆乎奸雄之相非舊人非臣里  
人卽臣一座師與之同邑猶不能容臣倚之爲冰  
山也臣一戶一百金家共有條銀一百五十餘兩  
非臣自有臣租船則有貨船則無三奉

敕書之旗則假冒者爲之臣曾跟獲告縣懲治臣邑  
多盜行鄉約以弭盜則臣居家時事以衣冠盜則  
臣閭邑亦無不獨臣黃南金人命臣曾一字向陳  
臣忠求解則臣當與南金禍在城沿河官地臣

尺寸亦無臣亦不知折者爲誰蒙詔之子買舉一案係甲午年事臣在楚臣子年方十三未進學可買舉乎粵人仕宦在京師時熙有同咨者存德姓妻舅誣奏事下成經手問結知其寃爲一題薦自是按臣之職千金之賄恐存德不屑爲也蔡淮係臣縣父母任年餘卽丁憂後補南樂陞刑部主事其陞時臣在楚郭惟賢亦在楚何因爲行取而受其多金吏兵二部臣生平無一字干求前後職方並無一識面指馬棟譚敬承爲貪汚之誣恣本兵職方亦不受也馬政弊壞民力艱難職方

力求爲節寬恤之政而恐捏謠言以駕誣當無  
一不可誣矣然臣自觸淮撫東林以來久知其禍  
必至此矣巡撫僉院臣夢想所不及兩太宰亦何  
會半語相許或喜事者偶爲是言致令忌者假是  
以驅臣則未可知臣不得而畧辨至此非求勝也  
臣以祿位歸朝廷以形骸歸畎畝卽一言以自  
明而去亦奚不得臣決不能爲虎噬亦決不忍爲  
鷄張顧此等人則今不少矣臣尚當一日立其側  
乎臣言此止矣伏乞

陛下察臣觸忌日多早賜罷斥或念臣病瘡已甚

准允回籍容臣賞

勅送正堂署印少卿代繳出城臣苟延一日之餘生  
皆

聖主曲成之大惠矣

壬子十一月初一日



湖廣道御史周起元爲僕臣利口飾辯大乖名教  
事臣惟士人立身稍有識響莫不仰止賢哲豈惟  
考槃之英不忍當吾世而失之卽前修往吊古而  
想見其人猶津津有餘慕焉近見太僕寺少卿徐  
兆魁與言官詆辯學步玉國已屬縱恣矣猶曰自  
覆其穢迹也廼疏中有僞學之詆古今載籍所列  
一語臣猶深不滿焉夫詆僞學之見于載籍者非  
韓侂胄柄政時沈繼祖劉三傑爲言官建疏力申  
僞定禁而蔡元定黃直卿諸儒所緣坐貶斥者乎  
古今載籍多矣兆魁何不摘名教中一二美事言

之而獨引此僞學一條以爲考信于載籍甘同調于繼祖三傑爲也最可恨者楊時羅汝芳等諸儒亦敢肆譏評卽就臣少時所識羅汝芳一人言之汝芳學嚴屋漏遵度率軌一言一行爲世準的臣頃閱粵東請謚冊內稱原任吏部侍郎楊起元執贊羅先生而稟學焉往復參證因大悟性命之宗又云一聞羅先生之學服膺無須更忘離離一小像出必告反必面歲時約同志奠于所祀之居以爲常由茲言之是粵東之名臣且授業自汝芳以成性命而光地靈兆魁顧妄加譏誚其爲粵有識

者之共棄可知也夫人有高出一世之行著而後  
可以俯品流俗豈以賢者而呈才于不肖乎彼直  
以攻淮撫一節爲護身符矣夫淮撫一人進退何  
足論哉孫丕揚因沈思孝之故惡淮撫卒不移怒  
于端人貞士此丕揚之所以爲丕揚也兆魁倚王  
國攻淮撫因而施鉗網之術邀其徒黨謀立四款  
之單擊名流于當年甚至誅前修于身後陰嗾攻  
秦以爲利使人角玄黃而已又有術以自固此兆  
魁之所以爲兆魁也只緣以僞學二字橫據胸中  
故有種種作用凡天下慷慨直節之士爲流俗所

忌卽推入于僞學之門戶以錮之畧辨明救正以  
依傍詆之果行兆魁之說其壞人心術禍人國家  
豈淺哉李膺范滂意氣蓋亦過于激昂其初只因  
爭成縉匪張儉一二事而釀成黨禁然千古之評  
不過曰諸君子激以招禍已耳卒何嘗屈膺滂而  
直覽節乎此以爲衡而邪正可立覆也臣于兆魁  
無怨而有憾獨不忍其沉迷不返姑爲點破以俟  
其悔醒不終爲名教中罪人伏乞

皇上將臣疏發議果不合公論卽將臣罷斥以謝兆  
魁臣不勝惶悚待命之至

福建道御史錢春爲邪臣積惡已明大奸未罷謹  
再糾叅以定是非以昭公論事項因大僕寺少卿  
徐兆魁者崇邪醜正壞法營私而其真精神猶在  
附權門以爲奸利然臣聊舉其細而不發泄之盡  
者以爲兆魁悟而戢其兇鋒則臣雅道可存兆魁  
迷而張其虐焰則臣直言未晚向原無求多之意  
今豈有取勝之心故兆魁初辨鴟張臣出疏駁之  
旣雖蠹尾欲螫而首鼠可憐且臣子以黃口獨取  
則父子祖孫之捐化爲烏有矣謂買田而不名佔  
奪卽恣橫亦無稽矣買舉事發粵東斷屬兆魁之

子兆魁祗自露其醜矣臣于兆魁先原無隙後復  
奚尤哉但數日來人言嘖嘖皆云兆魁買舉一語  
陰庇私交接即報見兆魁連上二疏欲辭和佞辭  
情共戴之指排蕩必多舉目誰援之呼招搖更急  
倘不窮其根底必將立起風波臣既見其肺肝安  
得顧其面目則請以其附權門以爲奸利者事爲  
皇上畧陳之臣謂兆魁有徑即掃無幕不入但知逢  
迎當路代爲驅除不見搏擊豪強少爲救正據稱  
備員一十六載奈何浮沉以度歲華最後攻淮撫  
復隨即署此乃臣向者所以稱奇也而爲時則已

晚矣近謂一茅蓋頂不妨衆志皆歸將均入出後  
盜蹠竟可以仁義自雄耶况辭原傍射意本伏戎  
故淮上之扁舟欲駕而林中之宿鳥頻驚使借尚  
方者延頸以待倭人之操刀汲濁流者攘臂以挫  
忠臣之直氣有如秋飈怒號木葉盡脫螟螣四起  
嘉種靡留不顧遺其國以空虛之禍若非沈一貫  
等思鋤當戶之蘭而兆魁甘作攔門之犬則胡兆  
魁之所齟齬者俱爲奸雄之所棄疾者乎兆魁無  
以自解則委之居憂而不及一貫之當國臣且  
以前事證宋時章蔡比周黨碑遂勒此乃在王安

墓木旣拱之後今一貫去而兆魁來亦以爲學發  
難網羅建言講學諸臣何相肖耶孰謂兆魁卽一  
貫之惇 恐欲辭之而不克矣臣又以近事證邵  
景堯爲一貫衣鉢門生與兆魁及王之禎實爲狼  
御史萬崇德疏邵景堯與試而賣六舉人兆魁辨  
臣疏捏臣子買舉人一事良以臣子鄉書旣佚罪  
案未聞知者以爲說謊不知者駭謂南場關節類  
掃風影而兆魁死友可以捲土重來曲護如是而  
乃謂一座師與之同邑遂不相容其誰欺乎然此  
乃兆魁所以效力于一貫而不但一貫兆魁已也



大抵兆魁趨日昇之市則掉臂遄回盼張風之帆  
則竭蹶請往先是權相張位當國而侍郎張養  
蒙因見忌嫉兆魁督餉一疏受其願指遂甘心欲  
置之死地而不恤其全付精神瀉以爲權奸妨賢  
之用柔媚狠毒至今談者切齒若止于崇邪醜正  
不過兆魁衝風之末力兆魁固自言之矣兆魁垢  
穢多端前後經臣等指摘者俱有實事實證兆魁  
初雖橫厲後已媿屈惟是軟語乞哀聊以緩兵而  
機心閃爍難以方物故臣復採公論之所共指以  
爲兆魁罪者稍爲點破伏乞

皇上亟 敕下廷議將兆魁 亟賜褫斥毋令其假  
出城一語徘徊觀望雌伏鶻起以煽亂是非傷殘  
善類則權奸之遺孽迸而媚嫉之風微其爲我  
皇上子孫黎民之利不小矣

壬子十一月初八日

東道監察御史李邦華爲邪正久淆岐路醜亂  
懇乞

明亟勅廷臣盡捐門戶以培正脉事臣惟國家  
之大治大亂外不關夷狄之盛衰內不係國計之  
盈縮惟視朝廷之上君子小人之消長故仁賢  
索征則泰運浸熾僉壬充斥則國勢漸促自古治  
日少亂日多君子少小人多宜鴟鵂倍產于鸞鳳  
麟駒間值于豺虎數使然哉人無定識士鮮舊聞  
業不審于邪正之辨而乃有奸人之雄爲之鼓煽  
傾覆其間入其說者似落井而窺天茫乎東西南

北之易位受其指者若擐甲以夜闔冥然父子兄弟之橫戈究使善類一空國事九弊當此際而復効買生之痛哭庸有及乎今國家不幸勢已至此

明主既不以是非之權操于上當事大臣亦不以是非之公布于下誰作昏衢之燭龍安望乘潮之遊艇臣不勝感時激衷敬輸一得則就一二十年間邪正大開畧陳梗槩夫自申時行以陰柔柄國而趙志皋繼之王錫爵以剛狠執政而張位繼之當時揀虎鬚而撓狼怒者非所稱呂坤鄒元標顧憲

成等諸臣乎桀被斥逐曾無顧恤此其一邪一正  
不亦昭然明辯耶嗣是則沈一貫剛柔並用顛倒  
更妙于無跡荼毒極巧雷霆忽震而不測妖書禍  
縉紳楚獄賊宗室京察庇鷹犬試問沈鯉何以  
去國邵正域何以聽勘于玉立林秉漢何以降  
革劉元珍龐時雍何以被黜權奸作威路人所知  
也而篇營未已則借王之積爲護法傳鉢待人則  
用李廷機以善後而姜士昌宋燾果不遺餘力而  
芟除焉此其訛邪訛正不又昭然明辯耶亡何而  
有顧天垓者本一貫幕下之賓見勢敗以操戈向

賢豪而通欵追縱橫押闔之計成而後先館閣之  
臣咸不免于縉緞之及當時意氣自喜之士誤爲  
所誘致而竟罹東海之沉淪抱畢世之長恨者不  
知幾何人今雖甌破已久說者猶鯁鯁于困衡之  
極謀慮益深徒黨之衆薪膽不忘此其爲邪爲正  
不又昭然明辯耶又亡何而有湯賓尹者乘館局  
之空虛便欲立躋揆路騁舌辯以獎率不辭旁啟  
倖途故填門溢巷俱是譟訛之夫連夕通省合盡  
傾危之筭自韓敬科場醜露而營壘益急自完人  
謂敬若逆取順守猶或倖逃造物之忌乃不務抱

竄愈呈嘔噓近日章蒲公車發其狡穢觀者欲嘔  
此之爲邪爲正不又昭然明辯耶然詭爲賓尹之  
高足則王紹徽非乎紹徽生平得意向人云不附  
同鄉詳察其攻淮本謀得亡媾同鄉之王國以結  
于同鄉之孫丕揚耶題之以攻貪攻暴之名連之  
以太宰少宰之勢于是趨熏天之焰而逐聚蟻之  
羶者誼動長安爭假道以通于冢宰務乘機以剪  
其所忌黨有四款何人得脫其絳網撰非一手轉  
送實藉于紹徽再興漢網之獄重刊宋黨之碑自  
九廟有靈國運不斬清流白馬之禍紹徽以一朝

趣成而在朝在野之名賢淚隨萬斛志賁九原矣  
計行不果因而倒戈曰吾不附鄉人被此名也以  
去不徒其身得託終南之徑且令其師若友復振  
已喪之旅蓋至是而紹徽之肝膽畢露惡能掩之  
然孰爲紹徽之主盟則徐兆魁非乎兆魁廿載葉  
蟬一生門犬通籍四明辦香一貫授意于權臣殺  
人建議以大臣督餉向非日本敗歸張養蒙中于  
軍典法矣晚知不能流百世之芳遂甘道萬年之  
臭依阿要津則曰太宰知我詆誣前哲則曰楊時  
不與章句起家而力排講學何異食父母之肉金



紫晝攫而猛擊廢臣不殊戈青冥之鴻砍頭陷胸  
與正爲難搖唇鼓舌驅人于穽頂御史錢春偶一  
循職糾劾卽并其

清修誣以濟惡無惑乎士

大夫相向耳其名者色變而目側談其事者皆裂  
而髮指近又聞其心腹書辨語頗洩外不但使深  
山猿鶴頻驚風雨且欲令中朝鷄鶩莫適翔集嗟  
夫百年有盡怨讟無終兆魁何乃自苦如此此之  
爲邪爲正不又昭然明辨耶而無奈無心之見聞  
多中有意之邪魔浸淫歲月不難易嫫母以西施  
溷淆臧否遂時離殊玉于瓦礫有語之以申時行

沈一貫李廷機等不曰死灰不燃則曰脉絡旣斷  
孰知廷機爲一貫之後身而賓尹卽廷機之門生  
紹徽爲賓尹之長臂而兆魁卽紹徽之死友總之  
則以王之禎爲線索一齊穿紐前者未絕後者復  
續試觀廷機去而之禎亦隨去若相呼應廷機去  
而考選之禎去而拾遺下不與毫髮然則從前  
之簸弄豈是影嚮之揣摩往謂邪黨盤據猶云疑  
信相半今試就眼前行徑清夜捫心寧不人人遽  
然覺悟所幸新進諸臣志主扶陽指歸抑陰向來  
小人根株之患殆以半蕩除

國祚靈長端必賴之

而臣不能無隱憂者往戊申之歲言路弘開 廟  
堂之上一朝廓清于時寧不有小人匿跡竄處亦  
借攻邪之美名以爲伏翼弭耳之計嗣後二三君  
子意見偶乖不肯相下遂致齟齬互持而前竄處  
之小人遂得用其兇鋒蹈瑕竊發樊然淆亂不可  
收拾矣殷鑒未遠真足寒心今諸臣靜觀日久持  
論甚晰萬一屬有譏人交鬪鬼神助之彼申時行  
沈一貫以後徐兆魁王紹微以前一脉相傳之小  
人實繁有徒蠢蠢思動顯肆排擊陰行擁戴旁開  
一徑巧圖提出玄黃之戰寧止流毒庶類國家之

元氣不斷削漸滅盡耶故臣不憚歷數邪正相續之脉仰乞

皇上諭令朝臣共捐門戶偕之大道庶已經彈射者得息機以終老林臯不生風波之想其未經搜拾者得洗心以勉赴功名不懼黨與之累顧不休哉然臣猶有說焉宰相者天子所與共平章天下者也天下邪正之分惟輔臣得而主裁之亦惟輔臣得而幹旋之主裁者在涇渭之不涸而一有徘徊顧慮之念則牽掣而不決幹旋者在議論之審持而苟得提綱挈領之要卽密移而不覺臣見輔臣

禁向高佐政有年矣心非不苦也力非不勤也而  
君子小人之消長猶僅僅焉豈提綱挈領之無術  
而徘徊顧慮之不免耶臣以爲此不難也夫今四  
海之內雖稱乏才然豈無二三大賢輿望共屬正  
人固推爲領袖邪人亦尊爲斗山者哉自邪正角  
立以來同堂喧若聚訟曲直擬于穴鬪當思此二  
三大賢若得開朝政之議受統帥之寄安肯以  
調停而釀潰決事事有真可否人人有真是非議  
論有真得失片言立剖卽有背公植黨之徒亦且  
清議束其外患失棟其中誰復敢與正人爲鬻餽

之抗者況人性各有秉彜邪經多從詭入明珠在側覺我形穢以平旦之本念就卽于先達之標準又誰不保愛其身甘墮谿壑者是則起用先年觸邪之人乃以樹今日正人之招而欲潛變今日從邪之習端不外當年秉正之人卽于此覘主裁卽於此覘幹旋所望輔臣積精聚白以誘

聖衷將廢棄諸臣拔尤 賜環布列在位行見正人盈朝而邪氛不息 國是不定議論不省者臣不信也不然者山公啟事徒塵 玉案乙夜 睿覽未奉清裁弓旌不賁于丘園 軫浸入于崦嵫河

清癯俟長夜未旦年復一年漸次零落如今歲願  
憲成部正域劉曰寧相繼捐館寧惟逝者冤冤私  
恨無窮聞輔臣亦嘗哀號累日若失左右手然何  
益之有哉臣爲世道人心耿耿有懷輒效欵愚伏  
惟

聖明俯賜採納若謂臣掇拾舊說無關時政臣恐舍  
此不言必致小人一派源源君子一脉日微日盡  
天下事不可爲而國運隨之臣不知處所矣興念  
及此肝膽俱裂幸

皇上垂鑒焉臣曷勝激切屏營之至

壬子年十一月初十日



太僕寺少卿徐兆魁揭疏辨原非得已橫控安足  
服人謹累揭明以副公論事項見御史周起元疏  
職爲得罪名教意欲挽職沉迷歸之悔醒望職良  
厚非不感其相成乃以援引一言及借別端指爲  
大乖名教言殊過矣職幼習父師之訓長習孔孟  
之學以至于今亡論古今人無遺言行燦然于仁  
義道德之途者莫不仰之信之是訓是行惟恐弗  
及間有言是而或行非大醇而或小疵則擇其是  
者醇者用爲觀法之資而置其非者疵者少寓鑒  
戒之意此職之責也未嘗輕出一言詆其道學之

人也乃今不幸而得斯謗也則是吳亮發顧涇陽  
書首職始也彼時就事論事何嘗謂涇陽之真所  
引載籍不滿楊時而下諸公之語亦自明顯何足  
爲妬者實起元乃欲繼沈正宗漫引劉三傑沈繼  
祖疏申僞學之禁爲籍職口之地何其不情宋有  
韓侂冑故三傑繼祖得阿承以肆其惡今未有人  
肯爲侂冑亦未見僞學真足惑人欲倡爲禁者誰  
歟起元縱欲報效東林不應無故而過爲無喪之  
戚也世之依王國者有矣未考選前藉其書以游  
揚于孫太宰其名固在通國耳目今見國敗又推

國以溷人將以卸平日依附之跡人可欺良心獨  
可死乎職與國素不識面安見職之論淮曾藉國  
一臂之力也秦人與職之讐向歲疏中曾三五其  
名自是公論不能掩攻秦不足爲職利不攻秦不  
足爲職損假此自固卽愚者不爲而謂職爲之乎  
至云與其徒黨謀爲四款之單不知係淮撫賊單  
抑東林赴津說事受錢之單也單發自誰顯而易  
見有無多寡與職總不相蒙于玉立不能忘情于  
職職曾一疏發之然職疏自疏部推自推誰能錮  
之不出以起元等朋爲而悅其進力豈不頂指于

職點用有待則出處之時爲之耳起元亦將以不  
點懟

聖旨而謂職曾一言撓之乎學者舍正道而甘信異  
端則謂之背名教弟子于師而忍操戈入室則謂  
之得罪名教三者皆職所無也似海內所信也起  
元無處撻拾以發揮驅職之術乃假此爲辭何見  
之不審而言之無緒也孔欲無言而不免憂心于  
羣小孟非好辨而恒教人三自反于妄人聖賢立  
身垂訓不過如此何可不學亦何可不免職且去  
矣庶幾無過矣悔醒有期當以爲起元謝德意矣

太僕寺少卿徐兆魁揭登誣詞遁昧心堪憐謹畧  
揭布以明公論事頃御史錢春有第三疏攻臣滿  
紙裝誣真是說鬼說夢職卽置之不辨于臣無損  
第舉事端昭昭在耳目者稍一折之亦足暢快時  
情春謂職有徑卽掃無幕不入不知徑爲何徑幕  
爲何幕抑指沈一貫耶職自行入及爲御史公事  
宜見閣臣惟于朝房一面私宅一投帖而止掃徑  
入幕必有杯酒之歡暮夜之會而後可職生平有  
是乎職生平硜硜之操卽一刺亦不輕投同時之  
人在都下不少春試徧問誰曾見職在一貫宅一

私謁一坐茶也一貫在今日爲死灰引蔓強附無影無根此何足溷人祇增識者一哂耳粵中買舉是甲午年主考係閩人曾偉芳覺發在江西地方攬事者亦閩人買舉人犯則一潘一袁一蒙此案不知經幾番司道府縣按君之手而後定與別姓何干涉春乃妄指爲職子事與指鹿爲馬又何異焉職前疏未嘗指春子買舉只一歲買田二千畝在江陰乃真話耳今反云哉限捏渠子買舉不知語從何起豈春子買舉果真情怯而故自露乎若春辛卯買舉則跡大有可疑入春中式後將二三

場試卷燒去訛辭失火房未燒而卷燒可疑一也  
二三場盡燒無一字而頭場猶存可疑二也原名  
魁春後改名錢春以掩跡可疑三也胡掌科汝寧  
當日叅疏至明乃重歸咎于收卷官而春止議罰  
人言汝寧受囑訛法至今猶有遺恨矣此事春亦  
謂烏有乎往者倭蹈朝鮮勢將不支持議者有退  
兵之意職時巡關甚知其失策乃抗疏力請進兵  
而以督餉屬一大臣爲持久計彼時當國爲趙蘭  
谿非一貫也職只言宜用大臣督餉未嘗言養蒙  
可用也且督餉視督撫擔子何若以督餉爲死地

則當日之督撫亦皆忌嫉乃遣耶養蒙督餉以功  
得賞廕東事亦幸完職之疏固未嘗不效而乃以  
爲談者切齒不知切齒者誰也攔門之火必爲李  
三才出死力吠人乃是何能妄加人首鼠持兩端  
者乃可恨未可憐職非能持兩端者以理辯爲軟  
語必反唇相加而不軟乎以求去爲乞哀必凌厲  
詬誶乃不乞哀乎何錢春不少以理自裁也錢春  
出門有此三疏高見若此昧心若此生平之人品  
亦可槩見矣職孱非春敵願毋專向職以立功名  
日說謊欺君甘受妄言之罪職亦盡置不較獨無



天道乎須至揭者

壬子十一月十六

令朝端不容一正人中外皆其所布置其禍不貽之于宗社必不止然使天下盡無一持正之人則可使天下而尚多持正也恐令此曹禍國一至此哉職請再發近時攻訐之由願邦華虛心一察夫李三才未被論之前縉紳與之厚者豈少而正者自正邪者自邪未嘗如汪懷等附和則誰得議其黨涇陽卽貽書之後縉紳同其趨者豈少而靜者自靜躁者自躁未嘗與王立等谿徑又誰得議其偽爲然就淮黨之中不過趨炎附熱而就東林之中豈無同行異情則觀人者宜察也故善治

國者不宜令斯世有黨有僞之徒而善立身者豈  
宜令人目其爲黨目其爲僞至淮撫之不宜處也  
舉朝持政者所知也不獨臣也東林賢者之宜  
出也亦舉朝憐才者所共知也猶職所極望也  
夫宇宙廣矣非父母兄弟之讐何路不可相貸卽  
言語議論之忤何嫌不可相捐苟非同己之是而  
異己之非必所非者直輿情所不與乃可倘尤見  
與未可以意見生憎也苟非附己是與而攻己是  
讐必其是者直與我不並容乃可倘相容未可以  
污蔑爲陷穽也況爲人軀人情不軌已而忍醜正

自異咎豈盡由人職又願居言路者而攻職者誠  
虛心而理照當自見也且論自論耳第恐戀位二  
字可以令人去矣何必捩拾不根之談橫肆唾罵  
之語而後快耶止謗無辨唾面自乾古人爲是語  
者誠無乃肆謗而令人不欲辨唾面而令人不敢  
拭若其人也亦當作何如品待也彼不宜緘口以  
賞金陳重甘心于市糲士欣然于拾履朱冲不  
較于認牛古人當不諒已之前惟有此着從後來  
白不白必不恤也職去且亟當無煩于昔人有一  
說便俗之語職每深味其言茲爲借侮禦之法矣

卽謂職爲詞窮爲軟語亦姑置矣孰知孰正是在  
司世道者一辨職何能知須揚

壬子十一月十六日

福建道御史錢春揭寺臣心神恍惚口舌潤翻詞  
近情窮發撒可賤聊就其言一反以聽公平事項  
者職糾發太僕寺少卿徐兆魁非不知其滿身糞  
穢易以濺人但不忍見其閉門合算攔路邀朋以  
權奸遞傳之幕客長據要津使長安日見怪事然  
謂疾甚必亂故事無深文言無過激期以撥動良  
心而止所以待之者不薄豈謂以職當頭一擊遂  
切齒腐心不知反已惟務噬人職之所言兆魁既  
不照管卽兆魁自言亦不復照管欲吞欲唾盡露  
戈矛倏彼倏此備諸反覆茲彼以揭來職亦姑以

揭荅之可乎大凡附權者喫緊在精神貫串聲氣  
應求職見兆魁所爲唱于喁喁者皆一貫等之忌  
嫉故遡其本本水源而歎其因風縱火若其出入  
往來何與人事而人偵伺之兆魁欲以此解嘲末  
矣至于新建炙手欲熱而兆魁殺人媚人乃欲借  
蘭谿一息游魂以啣千年罪案能自信出疏之際  
趙志臯猶能入閣平章乎雖未坐張養蒙姓名而  
督餉非戶部事乎何以養蒙不感兆魁而偏恨張  
位乎舌上之龍泉默授乎當事胸前之劒沙場之  
骨幸還而殺機已露故天下咸共指詈兆魁與職

何嘗而職肯閱之愚矣其論李三才也說者謂張  
祿相而齊亡并重虞卿之困阨伍員死而越國霸  
總售種蠶之陰謀而職於此節頗無貶辭疏意自  
見况三才以職父規傲然不受則知職義不欲其  
畱而謂職反惜其去必不其然兆魁無書不構且  
有三才刻札播傳諒非若內簾號簿不得寓目也  
而故以相詆也悖矣且一得百喪定難準折全身  
潰爛僅以舌爭人實有口胡能掩也若第一白儲  
自珍則李三才家想亦不乏遼東豕呶呶自訟胡  
爲者鄙矣兆魁初謂職公祖官揭職父子祖孫其



挑激深情被職勘破則偏捏予買舉人其庇友密計被職勘破則又分移訛職而自認曰只一歲買田二千畝在江陰乃真話耳然則常州何處出揭武進何人恣橫假矣職愧職子未能點鉄無以副兆魁之望獨謂兆魁非市僧非牙保不問焉而第問江南人家誰廢著誰招產勞矣然亦敝鄉不肯寄贓而厥田江陰爲下兆魁何不以近地膏腴贖職子而更以遠方瘠土見苦也謬矣欲職信兆魁子不買舉人則無若免蒙詔子不向人稱冤欲疑職曾買舉人則兆魁宜自恨而不蚤知職肯觸邪

不預捏一疏授胡汝寧使僅叅職以遺今患職猶  
記辛卯中式偶以書傭不戒將職領出硃卷半遺  
煨燼適偕同年夜坐共囑其事當呈多官詳核僉  
曰無疑于時提調有疏監試有疏禮科胡汝寧有  
疏槩蒙褒許並未刺譏章俱下部更聞以家世謬  
稱行卷溢美更自明白奉

旨免究何會議罰此皆見之邸報抄傳職不必疑也  
此是能爲佞乎舛矣此魁又謂汝寧叅職非穢職  
也乃曲狀此魁之謂汝寧祇自污也蓋汝寧不知  
此魁之狼籍而不能建白與此魁同爲王錫爵言

者又與兆魁同見當時彎弓向之者不少而如職  
父以叅祝大司馬蘭谿怒論相而吳縣怒定

國本而

皇考

因思借職父爲贊以藉外援而求內庇遂  
兆魁之欲以一茅蓋頂最後南北叅三舉人  
未再牽入職名然亦不過曰爲御史錢一本子  
兆魁近疏曰東林錢一本子云爾爾時公論大  
評臺臣之糾汝寧吏部覆調外職等禮部復入場  
此亦並見之邸報抄傳兆魁能爲伎乎險矣嗟乎

關節在數武之近號簿貯內非秘密藏也監試其  
可委之不見明白在數年之遠硃墨對同且推勘  
屢矣而乃煩兆魁忽然置疑將舉人貴而進士賤  
乎鄉試宜嚴而會試宜寬乎惜矣然予是而知職  
名之不祥也雙之而不免見謂于蝦蟇給事單之  
而又不免見噬于姑姑御史也因是而信兆魁之  
品不難定也人各有耦物各有類天下有號爲君  
子者兆魁以其意見之異而欲洗垢索瘢天下有  
號爲小人者兆魁以其臭味之同而欲推波助瀾  
也職請兆魁問汝寧以奚物得名而乃甘拾其沫

嗣後且無庸吠職爲矣職雖叅兆魁者三而猶不盡其百之一茲以不疏干 朝政不覲縷之要私其半生同抱葉之蟬而一旦同長舌之婦言之使人欲唾況其無往不復甚矣濶翻而後不應前可徵恍惚卽不較何妨但訛言惑衆不可不破糞穢漆衣不可不灌故復聊爲具揭須至揭者

壬子十一月十七日

四川道御史劉策爲寺臣逞兇肆辨邪毒愈彰懇  
乞

聖明亟賜顯斥以勵廉耻以杜反噬之風事職惟  
國家之患莫大乎小人猶莫大乎有利口之小人  
蓋小人利口則以波濤之辨行其簧鼓之術能令  
是非顛倒邪正混淆始焉羣小附之終焉君子畏  
之則黨與成于下主勢孤于上而國家之害始烈  
已若太僕寺少卿徐兆魁則真所謂利口之小人  
乎夫兆魁生平行徑職不必具論獨是攻淮以深  
情厚貌懼魍魎之至見恫疑虛喝望草木而皆兵

往往號呼邪黨鈎結異類爲以羽翼盤據之地臣  
等抱杞人之憂矣頃者臺臣錢春有概于中不難  
撩虺蛇之頭而踐虎狼之尾彈文一出衆論稱快  
使兆魁而果端人正士則惟當急流勇退自爲乞  
身之圖卽不然亦當緘口結舌以俟公論之定乃  
磨牙張吻噉噉置辨果一本來而一本去也迨經  
同官王時熙糾劾而辨疏忽易爲私揭猶然機鋒  
旁射挑難啓釁有不啻蜂蠆之毒而射工之巧者  
一時公忠之臣咸切齒爲之不平者兆魁亦忝曾  
爲言官矣亦曾疏論人矣被論者有反唇相加若

兆魁之刺刺不休乎亦有多方希望若兆魁之戀  
戀之不去乎夫兆魁所憑者波浪之舌是以翻天  
覆地而必不能以一人之口語沒天下之口語沒  
天下之公評所恃者重甲之面足以貪權固寵而  
必不能以一脉之邪說蔑萬世之清議東征條陳  
能掩其媚竈之醜乎徐崇陳愷能諱其多賊之穢  
乎詆道學則有封事而借口載籍不猶誣乎發四  
欵則繼主謀而佯若不知不愈狡乎號簿委之未  
見則

天子無耳目之臣矣戀位托之奉

敕則仕路鮮廉



耻之風矣至若父子祖孫濟惡一隅則又說鬼說  
夢茫無影響之甚者也倘果有之則臣與常州知  
府同鄉同年豈不投之臣所而獨救之兆魁也豈  
兆魁固私揭榜牘之淵藪乎抑亦荆軻玄伯之流  
挾爲人行擊刺報復之術也卽此一節則兆魁之  
敢于說謊密于羅織而巧于誣毀立可想見其大  
都矣最可恨者明與王之楨爲親而猶强辨支吾  
以爲撫飾之計如掩耳盜鈴其誰信之不然以數  
十年之盤踞數百疏之譏彈居然不動而何兆魁  
一掛彈章之楨遂有去志耶前朝拔之如山今朝

取

旨如寄耶說者謂廷機去而兆魁失與援兆魁論而之楨無盟主蓋實錄也乃猶兢兢于僉院之推而抵死不去得無假出城以杜言者之口而借冬巡以餽

皇上之意乎此其閃爍變幻已昭然于人之耳目矣臣謂兆魁一日不去則風波一日不息流言一日不止則善類一日不寧詩人之所謂變亂四國孔子之所謂利口覆邦寧可使之雜處堯朝而貽他日無窮之害哉雖然此一兆魁也徘徊觀望踵去

相之故轍囂凌訪許啓後人之效尤見今被論待  
罪之臣如袁奎李思孝靡然從風非惡語以相加  
則先發而制人遡流窮源則兆魁猶罪之魁而戒  
之首也于兩臣又何誅焉况捕盜先其渠魁去草  
急任本根倘區區疲羸是攻而枝葉是摘臣恐寇  
害無已滋蔓難治而國家腹心之禍其胚胎于  
兆魁者寧有旣耶伏乞

聖明大奮 乾綱將徐兆魁 亟賜罷斥庶奸黨去  
而正人安言路重而 朝廷尊卽一切傾陷不測  
之禍臣固甘之矣

壬子十一月十七日

四川道御史魏雲中爲寺臣黨邪害正貪橫無耻  
懇乞

聖明亟行罷斥以剪元兇以破邪窟事臣謹按太僕  
寺少卿徐兆魁一本究邪小人市井亡賴年來與  
史繼偕輩牽引來往比周臣前疏卽欲糾叅以除  
兩奸姑置不論俄而御史錢春等果淬青萍擊其  
穢狀近復添

旨分別去留倘少畏公論正宜自怨自艾席藁聽  
皇上處分顧乃鳩鳴益巧鴟張滋甚貪饕清華之府  
咆哮

聖明之朝抵死橫扯不勝不休開口便說邪說正豈  
真謂一生行徑無人勘破哉臣謹爲我

皇上陳之自申時行當國以及朱賡二十年間權  
奸竊政擅作威福科場開賄鬻之漸並封包不逞  
之謀開採煩興貂璫煽禍妖書構難鉗網忠良而  
又數數逐諫臣錮衆正不知天下忠臣義士貶斥  
多少兆魁獨禁聲結舌偷息瓦全今亂茅蓋頭甘  
作鷹犬豈非其黨邪實錄乎哉已而見李廷機趙  
世卿公論鼎沸慮無脫身之路又探知王國與李  
三才勢不兩立喜有可乘之路機遂合黨羣小傾

陷善類陽藉奸貪竊王國輩之聲勢陰肆驅除快  
李廷機等之夙心顧憲成真儒也而尺牘可窮鍛  
鍊于王立氣節也而姻親可借戈矛姜士昌以淮  
黨吳正志以通書也而恣意可肆排擊朱絲絃斷  
見錦不停浦鷗欲潛林鵲猶奮從今天下碩彥名  
流屏息林間亦可已矣兆魁雄心未已毒手益來  
近將在 朝正人密榜私室暗算誅鋤漏于王吉  
之口晁真晁確寧知一淮撫耳誰人謂其當出乃  
藉以護身流毒縉紳吁嗟兆魁何其不信天下有  
忠義偏視清流如讐敵不肯相容又非其害正實

錄乎若其貪橫無耻之狀雖經論列臣尚請就  
所聞畧言一二兆魁家居橫肆貲擁陶朱問何以  
至此非霸占則投獻也如鄧如袁如俞皆其吞食  
之人也崔德何以倖免軍政說者謂金壺金盃各  
一銀三百兩遂免察典胡承恩何以聽用軍門說  
者謂紬段八疋銀二百兩遂獲資緣引進有楊長  
班騙使用有六管家可證也至其與同鄉馮少所  
合本販珠恃勢多取嘖有怨言每拜送假道狂欲  
痛飲而淫穢聲聞矣收錦衣衛指揮葉世初一千  
一百金卽能令王之楨推世初爲南司得內相趙

剛銀一千兩卽能令剛姪爲總旗陞至千戶而攫  
取無算矣管西路馬每馬要看馬銀合九十餘州  
縣馬戶控騾駟之騰驤忽魂悸而意絕受冤家之  
誣而廉耻掃地矣有臣如此真三桮未足盡其辜  
四裔未足正其罪者然且塗面潑賴隨時轉換不  
復知其言之自相反也臣檢兆魁疏向會詆顧憲  
成爲駁雜爲壞學術壞氣節矣今則曰無損其真  
向會譏楊時毀羅汝芳斥吳與弼等矣今則曰未  
嘗輕出一言詆真道學之人向會詈曰此輩以起  
歸德江夏爲大題目以逐李廷機趙世卿爲大主



意至懼言官以子孫之禍明黨李趙而排沈郭矣  
今則曰未嘗一日濡足相臣之門曾爲湯賓尹解  
嘲曰賓尹隱處東林何從而窺明黨賓尹爲韓敬  
輩飾醜矣今直曰監臨不見號簿向曾攻姜士昌  
等項且以錢一本爲濟幾一網打盡矣今則曰東  
林宜出向曾日夜聚謀造四款單明與王紹徽邪  
則俱邪矣今則曰形跡非密方曰我不附秦又曰  
我不攻秦方曰願得太僕以歸又曰例無討差方  
曰六懇

天恩回籍又曰恐悞冬巡閃爍變幻之狀人人知兆

魁爲奸爲佞爲陰賊爲剛狠爲妖孽不祥兆魁  
狡百出毫無愧怍其自視爲何如哉恭照得太僕  
寺少卿徐兆魁惡類窮奇兇同構朽生平惟負挑  
激行藏曲盡趨承睚眦獻媚權奸已看剝牀蔑  
足肆彈射禁錮良耿不啻入室操戈罪積若山猶  
誇詡而得意則藏如壑更諭訛以行私逞舌底之  
機鋒翻雲覆雨縱筆端之游說布地彌天孰明丁  
謂之奸誰戢之禍伏乞

聖明急行罷斥庶元亮剪而邪窟破小人猶知驚懼  
不至猖獗無已人心世道利賴非淺矣不勝激切

固親民而外之監司撫按內之侍從風憲實爲端  
本澄源之地我

太祖高皇帝時官吏計贓滿貫以上卽服極刑而尤  
重風憲官犯罰之罪故能二百五十餘年治平之  
盛我

皇上御曆之初屢頒

明旨申飭比時朝野肅清政舉民安守此不易今  
已成比屋可封之俗矣豈料一二鉅貪久據要津  
鋪地皆金彌天設計黃金結客糾連四海之才雄  
白日無光倒翻一時之清議戈矛密布觸之必傷

頌德稱功至今未絕重假氣魄不重真操守論饒  
風力不論真人品能貪者臭味相投清修者鸞鵠  
相視相帥成風視爲固然如陳翼飛者少宰聯科  
甘爲谿壑向非漕臣早發其貪必輦十萬金錢投  
入大貪幕下謀卓異謀銓諫何所不爲及至一登  
樞要而宜興之政便稱爲渤海中牟人又孰敢雌  
黃之耶近以河南道分單咨訪復有賽宜興之號  
可見貪濁之風于今爲甚民窮財盡之時值此捶  
骨吸髓之賊寧不爲之寒心耶已酉大計獨重清  
吏似矣第有一二小廉大貪者混入其中豈不灰

廉吏之心而助貪夫之焰今欲盡加浣濯必須直  
拔根源昔

宣宗章皇帝欲懲貪風劉觀戍死遼東

陛下試問廷臣近年之貪誰爲甚者而倣

章皇帝之意行之則懲一已足警百徐俟吏部考察  
之後將極貪數人依律擬遣其真正廉明名實相  
符者 賜宴禮部激勸旣明人心思奮循良之吏  
必接踵于

聖明之世矣其一議起用自爭 冊立爭礦稅及奸  
相張位等擅權空署削逐二十年來說者以 朝

廷虛山林實伏蒲補牘歲無虛日而尚苦于叩  
聞之無從諸臣立朝直節居鄉懿行具諸薦牘  
者臣不敢再瀆獨臣任清江縣知縣往來吉水數  
受教于鄒元標見其明道淑人躬行範俗純粹淵  
泓端凝肅穆臣之淺陋固不足重望其津涯而十  
銖百鍊之造詣明體適用之經濟奈何令其空老  
林泉而

皇上卒不得其一臂之力哉昔

英宗睿皇帝以閣臣李賢之薦特聘吳與弼授之

宮諭敕中外且獎以伊傅之任元標之理學不在

與弼下而故爲

陛下侍從之臣又非特聘布衣可倫向有內外兼用  
之說倘果破格用人則元標宜膺此選其他如趙  
南星之未得于親承者固更僕未數切以爲除上  
言大臣德政巧營吏部之丁元薦東挑西激朝秦  
暮楚之于玉立兩三人之外其他皆世之麟鳳  
國之禎祥天下且以其出處卜世道之盛衰第權  
臣巧錮于當年

陛下旣一入其說而不可解奸人離間于此日朝  
野又各生其疑而不相信夫出山之奸人見斥于

在朝之端士本其自作之孽乃歸而卸諸山林  
曰朝士固具吾輩爲難吾且以護法受詬而諸賢  
或不能無少望曰吾已無官人何按劍然在廷之  
臣亦或有訝前驅之憚惡恐後車之助虐者奸人  
復敷衍張大其說以動諸賢而幾成水火之形矣  
臣同官龍遇奇之疏真有味乎其言之也

陛下惟速召用諸賢而徐以其職業之舉否爲殿最  
明斥兩臣投之四裔而不使其交構于中外則魚  
目旣去明珠自現猜嫌旣消門戶自撤囂競之風  
息和衷之美成矣其一慎廷推自于玉立等假



持月旦陰竊

主權稱雄于天下幾二十年往

陛下之召孫丕揚自以夙望蒙。召而王立號于人  
曰孫以附我我營謀起之羣臣之効李廷機自以  
樞刻致効而王立號于人曰李以不附我我今効  
之語出而聞者盡駭盡疑既有信無疑而王立  
亦久假不歸居之不疑矣邇聞王立以公平正大  
者不肯爲之用無偏無黨者不能遂其私必欲以  
陰賊險刻者秉軸持衡故徧歷楚。燕吳之地號  
召智謀才富之人山人星相盡其細作富監巨商

皆其外府斂金十萬餘寄頓通灣密乘婦人輿  
來岳廟事出風聞臣敢輕信第都人士共以爲真  
故敢入告

皇上目今大僚缺多 廷推在邇宜擇公清正直者  
以充任使毋使揣摩臆度者藉爲口實庶陰謀詭  
秘之徒不假之以虎威而慶賀刑威之權得還之  
于

君父矣其一議去晉頃自諸臣拜

命以來感 恩圖報併力觸邪被論者又難就列引  
退何疑行見 朝廷尊重仕路廓清矣乃

陛下猶不自裁斷仍 較吏部分別去留于屏邪之  
中寓憐才之意羣臣無不舉首加額仰頌

恩威顧茲役也提綱挈領責在宰臣而廣咨博詢責  
在司臣諸慷慨激烈舍一官以拔佞固已人人精  
白語語公忠但分別被論者之去留卽分別論人  
者之當否而分別人者其人品心術亦于是乎一  
定而不可易矣同一論人而所以論人者通國無  
不知司臣亦無不知也同一被論而所以被論者  
通國無不知司臣亦無不知也名義至重鬼神難  
欺眼前之風波縱欲顧忌而久後之定論不與絲

毫十洲之鑠鑄錯不成一失足時千古爲恨臣願  
司臣之熟思之也其一補司道吏部司官依省推  
補非止以清華之秩欲令省直均平亦以羣臣賢  
否同鄉之聞見必真每省有人訪求較便此設官  
之深意也獨臣江左江左疆域人才已有兩省共  
一司而且缺至三年之久今鮑應鰲求去甚迫已  
不復推中外賢者未必盡乏從公推補此亦其時  
然臣復有說人初服官如乍入暗一無所見久之  
方漸覩室中之藏故各部每司俱有主事員外郎  
中令其練習政務始累而上若天官操人倫之鑒

定進退之衡視之別部又不啻重反欲一入衙門  
便當事任在應鰲雅足辨此但總不可爲例衆以  
應鰲爲可任而

陛下遲至兩載仰知

日月之明已無所不照第恐

此後別部且有薄視正郎者矣猶記鄭振先自工  
部兵部禮部而執中于吏部已旣不得復害原不  
與推桐鄉賢令須之彥夫與衆逐鹿而得鹿固不  
可憾同獵之人自不得鹿而遷怒于旁觀不逐鹿  
之人振先猶不可解臣常不平此事故敢一及之  
非以一賢一奸相提而並論也夫此五事皆諸臣

所已言而臣謬以爲目前之要務莫要于此故敢復列以

請第中有避諱不及觸忤元兇縱其伏甲千層臣亦仰恃

聖明真徃無懼伏乞

皇上省覽

敕下吏部酌行臣言未必于銓政無小補矣

壬子閏十一月初九日

是乎漸起則是奸相申時行沈一貫李廷機等暨  
貪撫李三才諸人實黨之媒而議之罔也不絕其  
媒不去其罔而疑與護者之心終不解如止沸揚  
湯而沸益甚矣先絕其媒先去其罔而疑與護者  
之口兩無所牽如惡影就陰而影自止矣何以明  
之李三才之評案已定不必覆說其沈一貫諸人  
亦何必污吾頰也倘輦金有跡臣願與諸臣共荷  
挺而逐之不然必非人矣于王立之嘖有煩言徐  
俟論定其餘高賢又誰肯阻其進也見補牘未效  
臣與諸臣共挽轂而推之不然必非人矣論人者

採生平爲實錄不必曰某黨宜處也爲一網打盡  
之謀論于人者據部處爲進止不必曰吾某黨故  
及也爲三窟藏身之計傍觀論人與論乎人者聽  
是非之自定亦不必曰此某故論之某故被論也  
爲黨同伐異之舉筆下旣不牽纏眼前自爾乾淨  
蔓藤忽斷亂絲頻斬恩讐之念無負愛憎之口不  
售用臻師濟之休共游黨平之域此臣所謂王道  
無偏無黨之說也如此何憂乎驩兜何遷乎有苗  
何畏乎巧言令色孔壬哉不然愈疑愈護愈護愈  
疑不惟釀朝紳之毒亦且重林賢之梗如甘陵南



北部及牛李之分洛蜀之號遂于國運相始終  
不悲耶然其主張全在輔臣昔宋朝朋黨之論惟  
韓琦當國有以銷平調一之遂使兩黨之跡渙然  
冰釋扶持善類埒力爲多臣當其行事豈有異術  
亦惟是正已平心羣情自定今輔臣之言曰當此  
分門別戶之日易起浮影杯蛇之疑鰓鰓然悶坐  
受黨人之禍也則胡不取韓琦而發之也伏祈

皇上俯納狂言嚴

諭羣臣今後論事論人如前黨脉名色也不許形之章  
奏以省羅織更乞

欽下法司如諸臣之言將劉蘊臣劉世學速置干理  
如律究處以爲橫議詈辱言官之戒則令國是  
定國法伸兩有利矣臣不勝激切待  
命之至

壬子閏十一月廿一日

廣東道御史毛一鷺爲揆地宜實揆望宜端懇乞  
聖明亟行枚卜以光 鼎鉉以肅政本事臣以一介  
孤陋備員耳目之司例得陳蕝蕘之見以效涓埃  
而近日條陳事宜摘發僚庶臣同事諸臣言之頗  
悉邇來 廟堂之上或行其言或用其意臂畫處  
分已漸有次第可觀惟是爰立一事諸臣單辭合  
辭不能得之于

皇上輔臣屢辭哀辭不能得之于

皇上豈以枚卜尚可緩也政府尚有人耶不知從來  
公孤非一人之任輔弼非一人之事臣不敢侈談

虞周盛時卽如房杜之善謀善斷亦必相須以有  
濟乃謂今日綸扉之地獨不可一手一足辦耶  
然而相臣之爲相臣其品望不易稱矣蓋其神情  
所向中外則而象之相臣之邪正世道之邪正也  
相臣公天下不得而私之相臣明天下不得而蔽  
之相臣虛天下不得而比之相臣斷天下不得而  
搖之故爲相臣者卽開誠布公集思廣益蓋不得  
自神其哲自雄其斷而一種屹然不可拔之意自  
當卓立于世情之外主持于公道之中如砥柱之  
不波岱嶽之不搖乃能不負平章之托非一味模

稜兩可所勝其任而媿快也故枚卜在今日必不可不亟則揆地宜實也枚卜在今日尤不可不慎則揆望宜端也輔臣葉向高自爰立以來才立于朝已五年餘矣即使得

君行政言聽計從尚有心思未到結構未周之處不妨共爲商確况輔臣之日告苦于

皇上與人情之日求多于輔臣又嘖嘖未休耶頃見輔臣速補閣臣一疏中有意見易窺物情難厭等語未敢以爲然夫政府天下之平也有何意見之可窺有何物情之足碍說者謂輔臣眎人唯諾畏

人彈射若微有制其肘腋而使之不得不然者臣愚謂輔臣必有所不屑而第其遜避觀望遇事不敢擔當出口輒多顧忌將欲爲執持而或牽于私情之難割沾濡而不能發將欲爲傳會而或惕于大義之難破却顧而不肯徑行輔臣之意夫亦謂世局曹分羣議互角姑爲推脫調停聊以自完不知台衡何地台衡主張之事何事且有意爲調停勢必不顧事理而顧物情夫情則何厭之有年來輔臣日用此道而邇且懷疑于弓影陽息于黨禍則調停之未效明矣故以主持爲調停天下受禍

停之利而輔臣不必有其名以意見爲調停則輔臣日費調停之苦而其害反甚于不調停方今大小臣工但畏言黨亦俱不忍言黨而獨袒分左右形成水火若由其中而不自覺有識者輒不勝漆室杞人之憂輔臣不以此時握定權衡力爲挽回乃坐待堅冰之已至養癰之必潰也臣唯輔臣舉動輔臣心事坦夷明白非往時兇殘執拗者可比且每于正理不可奪正議不可枉之處不難屈已以就人舍非以圖是蓋亦愛社稷畏名義足用爲善者也惟是意見與物情到底無可柰何而每

有一種勉強不樂從與不自安之意在輔臣以爲  
不見其端而實人人微窺其端夫可以微窺其端  
者正其本體之不可掩沒者也故輔臣今日何必  
揭非常之原以示天下惟就此端把握得定充拓  
得去卽此爲真主持卽此爲真調停一切紛囂異  
同之見立銷融于指顧轉移之間豈非世道人心  
一大關鍵哉昔韓魏公不動色而措天下于泰山  
之安司馬溫公毅然以天下爲己任子稱其  
有旋乾轉坤之功彼匪異人臣勉之  
而已臣聞右相必有



素知負臣心虛能受盡言而臣于輔臣誼有淵源故以箴規之義自附于相成正輔臣昔日所謂議論聽之言官主張責之當事非有他也今日時勢輔臣萬萬無有可卸之肩枚卜萬萬無可緩之理在輔臣宜當主持以副

皇上之獨任不宜顯畏猜嫌以俟空空洞洞之新臣在

皇上宜亟行枚卜以補輔臣之不逮不宜故緩急務以稽師師濟濟之盛典伏乞渙發

綸音速令廷推慎加採訪務得輿情允協之人與輔

臣同政以重揆地倘臣言有當更乞

明諭輔臣勿爲世局物情橫生推避專爲國是人  
心立一主張則天下仰

皇上和德之賜蒙相臣虛受之庇非淺鮮矣臣草野  
不識忌諱不勝悚惕之至

壬子十二月十一日

兵科給事中趙興邦爲直陳大臣小臣是非之概  
以脩

聖明取裁事職近見閣臣葉訥爲學臣改差人言見  
及之䟽除剖明心事而外乃所深慮於臣下者意  
見不同紛爭日甚請

皇上檢發章䟽 勅下部院定其是非可否取自  
聖裁及欲當事大臣秉公主持勿徒爲苟且自完之  
計嗟乎大臣之苟且自完多矣閣臣之慨然爲是  
言也職甚懼之迄今佇望彌月

皇上無檢發之期閣臣無催請之意切思閣臣發憤

復屬虛談是非不明終歸苟且臣請直剖其概可  
乎閣臣何如也人惟自超於門戶方能別人之門  
戶惟能別人之門戶方能定人之是非閣臣之起  
家門戶所從來矣爲門戶人之所制亦從來矣欲  
明是非而不敢違門戶欲從門戶而不敢犯清議  
逢人說苦遇事稱難報國有心振拔無力初得門  
戶之利今受門戶之損此向高是非之槩也冢宰  
何如也向來小臣之護法有主大臣之養交已成  
煥獨不落蹊徑亦可謂之能自監矣惟是善類日  
推不爲卽伸正人之氣黨與日盛無能力破門戶

之私誰秉統均有孤輿望此趙煥是非之概也總  
憲何如也能廷弼慷慨英風有觸時忌閣臣先是  
曾正行勘之非總憲初心亦無欲勘之意據總憲  
致科臣張延登書曰請勘原迫於外議非不佞之  
得已也彼外議者何人迫總憲至此致總憲留則  
爲衆人之射的去則負

皇上之眷注斯其入所謂險邪之極不容堯舜之世  
者也夫總憲爲紀綱重臣有何難事而輒爲人所  
迫勒此孫瑋是非之概也副憲何如也自署憲以  
來三載於茲一味圓通全無表見爲險爲邪或過

爲智巧不差

皇上於南臺叅䟽謂有人唆授職以爲叅之而非耶  
卽無唆授亦非叅之而是耶卽有唆授亦是當去  
無疑眷注何益此許弘綱是非之概也周永春何  
如也當呂圖南之改學差也臺臣用事者惡熊廷  
弼則驅廷弼喜呂圖南則改圖南喜怒惟行其意  
用舍獨操其權此改圖南者之咎而非圖南之咎  
也永春卽職掌攸關孤憤所激但當駁其改圖南  
者不宜並指及圖南乃曰恂默曰無風裁雖肖圖  
南之品第不足以任南畿之學臣又何顏以作浙

江之按臣乎浩然長往良亦可惜此永春是非之  
概也湯兆京何如也職不悉其生平衡其以要挾  
處金明時則終不能無議明時品望素劣以察典  
處之人情之所服也王圖父子濟惡而明時叅之  
亦人情之所快也應察處則察處必不可坐以要  
挾叅王圖則叅王圖必不可以叅王圖爲要挾不  
知兆京當日何見而倡爲要挾之說激孫丕揚之  
重怒雪王圖之私仇精求之則獻媚之深粗按之  
亦舉事之過如謂此兆京往事追論似苛是舉關  
人臣邪正之品更係終身行已之大此段罪案終

必求明永春近日不言職久欲言之即職今日不言後當復有言之者此兆京是非之旣也今之臺省諸臣何如也有各樹私交強奪國勢以部院爲奴隸以政府爲衙門爲其用則稱功誦德而不羞不爲其用則同室操戈而不顧此一端也有孤忠自効利害都捐小臣是則保護小臣大臣非則彈大臣意氣身有不平則思鳴臭味偶投非先倡而後和也此亦臺省諸臣是非之概也孟軻曰心人皆有之又曰無是非之心非人也

以言責備

國家是非之官用是不



避忌諱謬列諸臣大端此

皇上允閣臣之請 勅下部院會議卽不敢謂職之  
是非足爲諸臣之定案然而一念自心求以不愧  
此人無愧此官勿欺

皇上者落落止此任天下以職爲何品爲何門戶職  
不與之爭矣職無任隕越之至

吏科都給事中翁憲祥爲 計典已竣銓政更新  
謹循職掌條例應行事宜懇乞

聖明一併申飾以裨政體以肅人心事臣惟

皇上軫念民生留神吏治今年 大計事畢澄汰不  
肖以清仕路至嚴也紀錄清廉舉一勸百至公也  
留用俸深有司以備考選至便也幽明黜陟耳目  
一新海內臣民誰不仰頌

聖斷願當此 大典告竣之日正人心觀望之時所  
有銓政亟當振飾者臣職掌所關誼難緘默蓋臣  
先年承乏該科目擊銓曹事體每多遷就廢弛曾

經列款具疏妄申明

祖制之舊力障人情之流未蒙

俞允歷年以來科道諸臣陸續條議銓曹漸次更張  
已非一日光景然有一二事宜未免以人情之趨  
頃迷舊例倘不一圖挽回波流安有底極用敢採  
集羣言再附意見補牘以請

皇上垂聽焉臣惟 國家設官各有職事每省藩臬  
大吏森然布列無曠缺也 小吏然分職無混淆也  
也數年間各處撫按出 國面劾與方面官員

一題請加銜

之弊

八銓曹轉展又委曲徇

情任人擇缺但問其人欲轉何缺當置何官于最  
應轉藩司者多轉臬司而以藩司帶印應轉臬司  
者多轉司而以臬司帶印甚而其人當藩司矣  
所轉該 竟有藩司缺矣偏不推藩司而與以臬  
司其人 亦司矣所轉該省見有臬司缺矣偏不  
推臬司 與以藩司交互無叙紛雜莫辨地方體  
統之難 各官職掌之紊亂及臨事之推諉種種  
不可盡言臣等近日與聞 計典查閱方面官員  
冊籍其職啣至不能辨相與撫卷而嘆竊思十年  
以前該部冊籍具存試一查考寧有如近年之屑

越者銓衡之職宜辨官制何得一味苟且臣先曾  
議及見科臣李奇珍 疏內復指陳其弊今兩司  
多缺之候正當清理分別凡遇推轉方面必問何  
缺相應藩臬守巡各遵舊制如遇無缺不妨暫停  
庶乎官制犁然與情大快也此藩臬之互啣當正  
也各省鹽課關係 國儲運司錢糧重大奸弊漏  
數掌印正官得人爲上運使秩已三品舊例俱以  
甲科知府陞轉銓曹未嘗避而不推各官未嘗薄  
而不赴最遠勿論卽近年有官至亞卿稱清望大  
臣者曾由運司起家何損其聲價之毫厘而甲科

遂視此官爲不肖乎邇來甲科知府銓曹不敢推  
一運使如河東等處竟至幾年懸缺後見兩淮推  
馮盛典方謂銓曹之有擔當乃盛典本心厭薄偶  
與漕道爭禮飄然徑去自盛典而後甲科益爲絕  
響今分布各運使者非庸嘗任子卽衰邁鄉科耳  
彼其前途有限且暮途窮欲望振刷鹽政不潤脂  
膏勢不可得一經 察典汰斥幾無存矣夫各官  
固不足惜若此舉措而不改豈 國家財計遂可  
無人料理乎職嘗有慨于中矣臺臣濟之祥議及  
最爲詳備今各運使方缺仍當于甲科知府中推

補勿爲避忌若運使旣係三品官撫按司道相臨  
宜優體貌則禮節之間或加酌議務求可行倘各  
官旣推之後有遷延不赴及托故離任者臣等以  
白簡隨之廢乎積習可挽此運使之推轉當擇也  
各州縣正官最號親民今布列天下者甲科不過  
十分之三其餘皆鄉貢耳 國家旣用此輩爲親  
民之官亦當不時激勸以鼓其向乃近來科貢推  
折極矣每年雙月以考語爲疵卽行劣轉不見天  
日中間固多不肖豈無濫竽無辜乃輿情所同扼  
腕者至于資格太限超擢甘陞難科貢有司官員如

府同知極有聲者究竟多長史耳知州極有聲者  
究竟多郡貳耳推官知縣極有聲者究竟多州宰  
耳別駕耳卽前年紀錄卓異有同知詹軫光一人  
已歷二年猶淹郡貳若兩京部屬如戶刑工三部  
之缺除甲科外俱爲程子揆轉科貢望一部曹眞  
如登天百不得一苟非大賢未免灰心安能痛自  
砥礪不汨沒塵情也職記辛丑計後銓曹將浙中  
一二科貢知縣推南北部屬皆平日稱賢而未登  
正薦者一時長安計吏便覺洒然色動職竊嘆銓  
曹鼓舞人才固亦不難今歲與罔大計訪得科



中臣俸淺有司如知州岳具仰等推官盧一豸等  
知縣晉承命袁夢與周鳴太等皆清操循政衆口  
推服若職所未聞又不知其幾可盡以格限人乎  
卽今俸深留訪各官果鄉貢中有具正循良相應  
破格推擇此後銓曹于此途尤宜加意如雙月季  
報一節合咨撫按凡府佐貳州縣正應劣處者另  
具揭帖詳開事款勿止將字句推敲遂爲劣處定  
案用示愛惜外其科貢有司資俸及期薦剡多次  
考語純全者不時推補南北部寺俾知向風此科  
貢之超擢當公也

朝廷爲地方設官非爲官設地方臣旣已委質東西  
南北惟

上所命不當工于擇地趨避多端臣常記十年以前  
各省方面卽廣西雲貴濟濟克滿遠方知府常用  
甲科見今南京戶部右侍郎蔡應科非起家雲南  
廣西知府乎至于極遠各縣如廣西之臨桂貴縣  
桂平雲南之昆明保山皆以甲科選除後列在臺  
省者一一可數也近來方面官員視廣西雲貴爲  
陷穽卽推轉奉

旨經年不去往往托故 請告近如慶遠知府岳和

聲慨然赴任大興地方整頓一番卽以爲仕途希  
有之事若遠方知縣二十餘年來並無甲科之迹  
矣夫三省地方雖遠總皆

皇上赤子豈不足念何遂爲甲科厭棄乎臣嘗謂銓  
部統百官均四海旣謂之統何慮天下有充而不  
率之官旣謂之均何忍使海內有偏而受病之處  
謂宜痛懲陋習力爲主持乘今三省中司道各府  
多缺務須擇人以往此後遠者可移近地近者再  
補遠方遠近均勞不爲執泥則遠方各官知銓曹  
非有心抑之相與振迅精神固有進墮其于地方

利賴非淺渺也至于新甲科就選又在轉隄之間  
宜查粵西雲貴亟宜整頓縣分照依昔年事例除  
補甲科不許其掣簽時推避更換總之爲地方不  
得顧人情乃銓曹職掌而旣已策名天府一試盤  
錯亦士子本分內事常不謂臣之言過而無當已  
此遠方之推選當議也以上各款臣非敢爲窒礙  
難行之論第就昔年事例所有欲一爲振飾近年  
人情所趨欲一爲挽回故乘計事方畢復竭其款  
款之愚如此伏乞

皇上勅下該部再加查議如臣言可採一并議覆施

原野記卷六

五

三

或亦可禪政體肅人心也

癸巳二月十五日

河南道御史湯兆京爲再陳 察典議處之詳及  
循職糾銓之故以祈

聖斷事頃見兵科給事中趙興邦評量時事一 疏  
內有評臣一段歸重于察處金明時一事臣自與  
察以來爲時所忌非一日矣豈待興邦今日始言  
之蓋言路紛紜察前爲甚方在咨訪之時已成必  
爭之勢身旣不能立于是非之外理自不當嫌怨  
是憂故臣初入 都門論時事 疏內卽有士大  
夫惟毀譽一關難過到此只合付之公評之語金  
明時應處單訪相同臣實執議于時同事愛臣者

亦慮其拖人以去臣實對云願以身陪迨爭甫起  
臣又謂有成言在先則臣此時已置毀譽功名于  
度外矣何者衙門劣品此爲顯著也六年 大典  
後來觀望昔年許聞造先事叅人已經另處今日  
尚有明時明時一挾而得免後來誰不效尤作偏  
自今遺議無已臣爲紀綱計故不復爲嫌怨計也  
明時有逃察之心周永春當時亦言之謂叅王圖  
不可爲要挾豈果無逃察之心耶三次會單各註  
不及何嘗不以察處四會考功傳言免處故臣不  
得不爭臣之爭乃欲必處明時非欲另處明時也

舊太宰爲桑梓而調停不無香火關情臣爲紀綱  
而執爭不能雷同執法計不及顧慙誠有之且于  
時圖已爲言路所共指矣揆衆怒而媚人善媚者  
不若是夫人不忤時局則已耳欲加之罪何患無  
詞處明時爲挾圖也固可言媚不處明時以安圖  
也猶不可言媚乎總是戈矛臣惟有孤行一意任  
人精粗求之而已興邦謂但當駁改呂圖南者之  
用舍獨操臣知罪矣臣爲衙門職掌故不難與太  
宰異耳然非獨臣也卽興邦不嘗以卜履吉之事  
糾駁銓政乎申飭吏部無偏無黨卽臣相望太宰



蕩蕩平平之說也若謂昔則另有銜鑒今則不落  
踐徑是太宰因興邦一 疏已開廓心胸矣然而  
未已也辨臣 疏而自矜尊縱謂人輕慢卽向者  
辨興邦 疏而謂銓衡日媒孽 朝廷亦輕之意  
也興邦前謂其氣盛理塞故臣亦願其虚心平氣  
也豈太宰藩籬之見旣已融而崖岸之心獨未化  
乎豈昔非能作人而今頓能自豎乎太宰用情過  
厚言官持論太嚴興邦昔日之言與臣今日之言  
無以異也乃今日復見太宰辭 疏謂臣言爲粹  
謬不知室中之語袖中之書大選急選之坐缺中

貴豈能盡塗長安耳目而槩謂烏有耶臣 疏與  
興邦之疏具在伏乞一併

勅下部院以備是非之參考仍先罷臣以謝明特臣  
無任待 命之至

癸丑六月十八日

河南道御史徐良彥爲議論日多法紀日亂謹以  
臺臣去就虛心剖析懇乞

聖斷事蓋 國家議論之司臺臣互操之卽御史無  
所還于臺長諸御史殿最之權臺長獨操之各衙  
門無所關其事柄蓋署名獨坐法在振揚在昔有  
名臺長如顧佐諸人一時綜覈臺臣黜降三十餘  
人曾未有所假貸亦莫有撓之者蓋風紀之官義  
不得負微瑕小疵以巡行郡縣體固宜爾也今按  
臣荆養喬徑去矣奪之俸科臣曰薄乎云爾故加  
之革任乃學臣熊廷弼因是杜門

請告其心亦未白議論亦未定也一以爲宣城之黨  
一以爲非宣城之黨一以爲廷弼宜去一以爲廷  
弼宜留故都察院有回籍聽勘之說夫由養喬之  
所指不可不一勘也非第勘其宣城之事也勘其  
殺人媚人之有無也田掌院之所爲勘非必以坐  
廷弼也蓋勘而後知其有無有則罪廷弼無則罪  
養喬法自如是理亦如是也卽如近者田大年以  
受潘廷圭之賄勘矣及今而復其官勘亦何害于  
事哉年來弊習總以議論把持天下以衆寡爲強  
弱以口舌爲勝負致當事者首鼠兩端徒事調停

禮科給事中丁詩敬爲學臣勘不當勘部臣起不當起董虛心糾正以肅臺綱以清仕路事蓋職自拜

命以來數月于茲目擊一朝政浸淫蠹壞不可收拾乃其大者尤在于是非刺謬用舍倒置而一二當事諸臣有往往以意爲之陰陽輕重于其間失豪傑忠憤之心逞宵小窺伺之志傷

主上平明之理職日夜憂之久矣柰之何忽有竝勘督學御史熊廷弼者更有特起原任郎中于玉立者一則奉

旨一則政在候

旨似不必遽言以責

天聽然職區區念此兩事消長理亂關焉若不及今  
爲一糾正後來且有不可知者其開釁基禍可勝  
道哉是以冒死直陳于

皇上之前夫使能廷弼而當勘也則持三尺以繩其  
後爲臺綱整頓一番職不肯且執白簡佐之矣而  
無奈廷弼之事不可勘何也第以荆養喬之疏還  
按廷弼之事知之矣駭徒加道此縱故之心保淫  
作貞可曰無辜之士此理之彰彰易見者也其所

重蓋枉殺人媚人一節耳此四字者邇來攻訐時  
時有之未見一勘而獨勘廷弼之爲汲汲乎勘  
而必欲其有將證成之耶勘之而究竟爲無將誰  
歸結之耶腹誹之法莫須有之獄忠臣義士千古  
同冤職竊爲憲臣危之耳奸黨之律甚于殺人媚  
人養喬初疏不曾以坐方大鎮等請下于理乎憲  
臣亦將因而遂勘之乎勘之而人敢執此說乎執  
之而憲臣敢下此手乎舍重問輕者非也以無爲  
有者尤非之非也

祖宗在上神鬼在側耳目在天下史冊在萬世直令

清夜汗流耳職更爲憲臣危之此勢之斷斷難行者也理之易見旣如彼勢之難行又如此而必欲一勘之快過矣捏出絕無影之事扯及不相干之人猶不勝愛之惜之以任勞任怨之學臣修至公至明之學政乃傾之逐之而必欲一並勘之爲快抑又過矣蓋執法不撓任事無礙盡露英雄之本色此廷弼之所見長也鋒芒不斂意氣未融猶存湖海之習氣此廷弼之所示短也短不足爲廷弼之損長則能濟國家之事憲臣殆未之思乎然勘廷弼不可而留廷弼亦可王勣者是爲王去者



激也當時何不止其行勘聽其引決一爲

題覆便足了此豈非計之得哉顧職所尤惜者憲臣  
孫瑋老成人也又新掌院也八年懸缺昇于一旦  
四海具瞻係在一人舉念一不虛持衡一不中途  
爾沾沾獨行其應至今河南道不得與聞此等風  
旨誰不窺見機緘已露承望遂生小人之舌漸長  
君子之脚不穩異日者還以自累悔無及矣職故  
曰學臣勘不當勘者此也夫使于玉立而當起也  
則懸八座以待其來爲仕路鼓舞一番職不肖且  
彈冠慶之矣而無奈玉立之人不可起何也第以

諸正人之疏還按玉立之人知之矣嘖有煩言徐  
俟論定科臣張延登不嘗顯摘之乎變歷楚豫燕  
吳之地號召智謀財富之人臺臣李徵儀不嘗直  
糾之乎然微獨如斯而已南來北往東激西挑人  
有戎心世無寧宇此何等行藏也投機托要拜窮  
結兄朋類滋多戈矛益熾此何等作用也生殺自  
由雌黃惟意袖中宰相唇畔冢卿此何等心術也  
轉幻數年之內彈章尺牘累載其名招搖一世之  
間智士才人咸爲所誤此何等局面也以職所聞  
種種不類尚有不忍言不可言者特錄吏部久寢

立乃道學之賊也去其賊而後道學無門戶之慘也職非阻山林也而玉立乃山林之孽也斬其孽而山林無斧斤之害也故職曰部臣起不宜起者此也伏乞

勅下都察院再查竝勘御史熊廷弼一節有無過甚是否公平據實回奏仍

論左都御史孫瑋以後遇事心欲其虛法欲其當勿過任已見勿曲徇物情以端諸御史表率之源以佐

聖天子蕩平之治至于吏部見推于玉立

明詔所司特爲停寢如科臣議徐俟論定毋得再及  
重煩白簡則臺綱益肅仕路永清職卽退而伏妄  
言之罪所甘心矣

癸丑二月十五日

南京山東道御史孫光裕爲正論方明旁覈復燭  
謹據疏糾駁以揭公道以杜流禍事竊惟國家言  
路之責專屬臺省臺省不言別曹始不嫌出位論  
列如週年邵輔忠秦聚奎發人所不敢發言人所  
不能言九鼎世道寔加賴之有如傍人門戶襲人  
口吻伏機埋穽爲比邪害正者佐而張煽焉則言  
之大殘也自荆養喬以奸黨發難流禍至今適接  
邸報見行人司行人劉宗周一疏亦以奸黨立論  
甚至以土木之禍聳

聖聽臣意之曰此必感憤于包藏禍心之荆養喬而

發也及讀至終篇託言正學而詳會其語總之曰  
救熊廷弼者黨崑宣以攻東林云嗟乎安得此空  
國之言而稱之臣徐而嘆曰廷弼以口語開過東  
林無端被勘方用致疑茲乃牽而合之紐成一片  
似不善爲東林解嘲而隱然欲借東林以爲倒翻  
公議之地則巧于爲荆養喬者也臣請就其疏駁  
之勘議初起識者謂借以行勘而若以行勘之意  
大獄將興見形察影南北由是奮然文章誰爲私  
廷弼者廷弼自廷弼崑宣自崑宣其不可牽而合  
之也明甚東林與崑宣自爲水火與諸擬廷弼

風馬牛不相及矣不可牽而合之也亦明甚揣宗  
周本心必知其不然也無亦爲東林護法姑以崑  
宣惡聲聳人之口俾莫吾敢櫻計固甚善獨不思  
東林不嘗救淮撫乎厚耀州乎詰之曰爲東林者  
黨李三才黨王圖者也何以應之均之旣敗之人  
也在崑宣一綫旣斷爲不燃之灰在李王百足不  
僵爲將續之焰善黨者又何擇焉矧當塗貴人山  
中盟主呼吸相通炙手可熱者不此之黨而黨及  
于身名俱敗衆所共詬棄之人有是理乎黨之一  
字乃小人傾君子之術學道者宜不忍出口而宗

周牽合數語旣以挑門戶之戈復以授讒邪之口  
將令在朝在野左倚右角而受夷蘊崇之見黨禍  
構于儒紳殺機發于林下也恐東林亦不願樹此  
題目也且東林柰何言攻也宗周名爲宗東林非  
知東林者也有本之學必不因人而重謂憲成歿  
而風采益微將東林遽不足重歟自高攀龍而外  
從事學問如臣所知皎皎名流屈指可數而推崇  
不及是皆無與于東林者歟不然攀龍何以稱竄  
賢也一則曰憲成旣沒狎王夏盟等之爲祭酒一  
說也一則曰淮撫之援書誰人贊畫金吾之謗謫



誰人轉寄京察之構害誰人經營攀龍獨自知也  
又一說也此非臣之私言也據宗周爲東林分罪  
者曰欲盡箝天下黜貪之口以定天下之罪案此  
必非無據之說夫黜貪之口惟王紹徽劉國縉喬  
應甲朱一桂徐兆魁爲最甚數人罪案竟由東林  
而定歟然則數年以來爲貪撫報仇顛倒是非把  
持 朝政藉輿援以神其用弄耄宰以行其私者  
洵東林之罪歟雖然第不可槩爲東林罪也必有  
人焉內運籌而外折衝借東林以 亂天下如于  
王立丁元薦縱橫馳騫屢經彈劾人如其爲戎首

而宗周所臭味而亟稱之者首揭攀龍若與之同  
日而論何歟。樂東林而抹殺之則好修者蒙詬東  
林不服。樂有罪而假借之則欺羣者托足東林亦  
不服。聽宗周分別流品。孰有罪孰無罪。明白一番  
庶俾靜修姱節之賢。猶得超然保全。令名以遂。其  
誦詩讀書之樂。豈不大有裨益哉。臣區區忠計。竊  
欲爲東林一洴澼也。更有進于是者。願亟用東林  
除可疑者。姑竢論定。餘不過數人。而講壇之席已  
空。推戴之口已塞。尚何左右袒者之紛紛乎。又自  
東林而推廣海內。濟濟高賢。不下一二百輩。願亟

爲起用彼時隱鱗戢羽而人不及稱山斗頡頏詎  
肯自後獨擅一東林以盡掩海內之賢林下君子  
必有莞爾而竊笑者鄒元標趙南星不與憲成鼎  
立而爲三者乎彼何以齒頰若冷而此何以趨附  
若狂毋乃實非尊東林祇托東林爲命者乎與其  
以空名奉東林而共効于私門之用不若以職業  
還自己而一票于 朝廷之尊大道爲公遵

皇之極雖曰不學臣必謂之學矣臣鄉王守仁當日  
倡明絕學躬修實踐非苟而已不治生產不內苞  
苴不執朝權不集黨與誠足以深服天下士大夫

也桑梓後學何不聞焉誠讀其書曰無善無惡心之體有善有惡意之動知善知惡是良知爲善去惡是格物原未嘗單提一說憲成雖主善惡惡不善過拈一則以明宗周曷嘗不範圍其內而乃貶守仁以就憲成若宗周者陳良之徒與宗周雅有時譽臣所屬望厝足不定臣甚惜之又爲臣鄉惜之臣復因是而有感于公道之難明也辛亥京察舍賄僕偷卑之胡忻而處貞亮之王紹徽舍窮奸極穢之史記事而處剛直之劉國縉喬應甲大特公論至今恨之熊廷弼之勘至爲一劣生勘一學臣

紀綱已自倒置因而波及逐一直指去一兵憲節  
推邑令齟齬俱傷此可謂法紀歟此兩者明白且  
曉稍有知識必能辨之而尤爲之稱功頌德殊不  
可解趙煥孤立獨行一意考察考選卒不用人言  
遭時按劔驅之使去以陪總憲而口實職掌者猶  
未衰爭職掌似也借職掌以益要挾之醜而實逞  
其驅逐之計誰能欺之近日南北正論業已甚明  
而宗周忽有此疏爲奸人伏案將舉持正論者硬  
推入于黨人之中空國之禍可爲隱憂總因勘局  
不結巨奸展轉生心咆哮恣逞焚惑物情以致實

繁有徒議論淆亂若此是邪正消長之機不可不辨伏祈

皇上乾斷剖別昭示 國是并乞

嚴諭南直按臣徐應登速完勘局毋避崑宣之嫌首鼠兩端因循不決以滋黨人之禍世道幸甚臣履任最後南中駁勘之疏臣不與名罔所嫌忌故直揭公道如此伏惟

聖明省覽洞鑒臣不勝激切待 命之至

癸丑十二月廿八日

南京陝西道御史宋槃爲無耻邪臣巧言飾辨懇  
乞

聖明急爲罷斥以重言路以維世道事臣聞邪正忠  
佞之品人所自造也而邪正忠佞之人亦人所自  
知也世味場中得失共念固不難深情厚貌妄爲  
依附機關旣破情現理拙當亦爽然自失羞澁無  
以對人固未有行旣鄙鄙心復汶汶欺人自欺觀  
不知耻如都察院左副都御史許弘綱其人者臣  
請公言誅之可乎先是臣衙門御史吳良輔有邪  
臣大壞憲體一疏特叅弘綱臣計弘綱此時唯舍

羞縮頸解綬東歸三易其腸以圖後舉不謂  
其微詞隱語橫肆挑激而且不耻以硜硜自居也  
夫弘綱而豈硜硜者乎弘綱固不爲硜硜者也使  
弘綱而硜硜世又何病焉臣姑置弘綱祇行劣跡  
無論試就弘綱向來行徑還以質于弘綱所謂硜  
硜者是耶非耶弘綱向嘗推吏科都給事中矣亦  
嘗因是而叅吏部專擅矣此豈果超然名利薄視  
都諫卽推轂原意毫不念耶此時說者謂弘綱此  
舉蓋有深意一以交懽于許子偉一以迎合于王  
錫爵一以博能讓一以免外推云爾獻諛納交捷



取徑得是豈爲硜硜者乎辛亥內計其被察諸臣  
今姑未論其是與非也今因察後煩言遽爾百計  
支吾今觀其疏曰苦心苦口曰千難萬難曰不聽  
臣言譎張賣弄層見叠出果爲市怨乎市恩乎分  
謗乎推謗乎臣以知其非而不能異是謂溺職從  
其非而暗爲躲閃是謂賣交卒令老成夙望之太  
宰鬱鬱歸田伊誰之咎與迄今論京察者悉其  
事咸思欲唾其面也是豈爲硜硜者乎江右一察  
弘綱一生名行可對人言者止此第自權奸巧陷  
以來一時廢棄諸臣如鄒元標趙南星輩丰骨稜

稜。賜環無期。不知此時何愛于弘綱而急爲起  
之。田間不一而足也。且藩席未正而躡進副院。尤  
向來未有之異事乎。說者謂假道東林。掃徑相府。  
個中線索。豈虛語哉。寧誰是。向嘗爲蘭谿私人而  
外。示睽違。亦嘗爲四明密友。而陞標孤子。爲清流  
之羽翼。又爲傾清流之前茅。爲淮撫之功臣。又爲  
攻淮撫之劄手。藏頭蓋面。匿影潛踪。覆雨翻雲。朝  
東暮西。此弘綱之所以如鬼也。是豈爲硜硜者乎。  
若夫弘綱無求于人。也而無情笑面。逢人突發。固  
自以側媚爲貢。諂也曾不思風紀之地。宜有此態。

度否弘綱無求于人也而閑詞冷語刺刺不休固  
自以滑稽爲易與也又不思風紀之地宜有此譴  
吐否不南不北時陰時陽看聲勢爲緩急覘人情  
爲向背固自以遷就爲巧合也曾不思風紀之地  
可堪此首鼠模稜否總之弘綱薄硜硜而不爲者  
也不爲硜硜而自附于硜硜果愚人乎抑自愚乎  
臣少而受書嘗感于孔夫子巧言令色足恭與夫  
匿怨友人之訓竊疑世之未必有其人也自今觀  
之弘綱眉目神情種種符合豈其生來醜態抑亦  
學後習成而孔夫子預爲之描寫于數百世之前

乎孔夫子耻之左丘明耻之而弘綱不自耻也且  
駕言于硜硜不亦可異之甚哉間于弘綱疏中見  
其引以自見者兩臣一曰汲黯一曰包拯皆古昔  
所稱為名御史大夫也假使其立朝行已與弘  
綱有萬一彷彿則其羞漢庭羞宋室亦甚矣何以  
聲施至今也而弘綱侈口譚之其亦未返以自照  
乎其亦自附於硜硜意乎夫人心不古世態漸移  
世之爲弘綱者亦多矣世之不耻弘綱者亦多矣  
臣因是而有感于人品之辨與矣國家用人之  
辨也剛正者爲君子柔媚者爲小人剛而過激者

終不失爲君子矣而善容者乃見爲真小人臣嘗  
執古鏡今百不失一也自處者宜何居焉君子在  
朝踽踽涼涼衆正未必連茹小人當路蔓引枝牽  
死灰何難復熾臣嘗執古鏡今亦百不失一也用  
人者慎之萬無昵小人之易與若君子之難合憤  
憤於去舍從違貽異日

君父以重憂也臣尤有感於弘綱門戶徑路之說其  
釀禍最烈也蓋傾危邪臣一經彈射便轉相猜度  
思所從來而曰門路曰徑路不知觸邪指佞人有  
職掌嫉惡好善人有同心其彈射也豈盡由于門

路徑路乎此說一倡將使大奸大惡盤據要路而  
莫敢誰何將來貽社稷生靈之害豈淺鮮哉臣  
北海鄙人也不知門路何分徑路何向而唯耻弘  
綱爲邪臣爲佞人敬循職分特爲糾叅如此至其  
穢行劣跡臣猶未忍盡言以傷雅道也伏惟  
聖明俯允臣疏急將許弘綱罷斥則言路幸甚世道  
幸甚臣無任激切待命之至

癸丑年五月十六日

禮科給事中周永春爲臺臣醜跡盡露公論不容  
謹擬疏直糾以快輿情以重言路事臣伏讀成化  
二年奉

聖旨科道是言官中間還有這等行止不端的六科  
着各道糾舉各道着六科糾舉明白來說敢有互  
相隱蔽事發一體治罪不饒欽此臣見河南道御史  
湯兆京行止不端心欲糾之久矣第其深情厚  
貌尚知顧惜臣猶望其省改而不忍終絕也自頃  
者與臣互相辨論而媚王圖之醜態業已自供自  
認每遇臣疏指及此段輒支吾凌駕不能措一語

北京之生平盡矣臺班汚矣臣又敢隱蔽而不一  
直糾之乎然臣疏語竟不旁溢一字謹就通國公  
論及北京疏中自呈者據爲

皇上陳之左都御史孫瑋老成夙望憲度未壞而壞  
之紛至則北京謀勘熊廷弼一事誤之也瑋云一  
月之內駁議五至查五至者皆叅荆養喬不宜擅  
去及不宜妄扯之詞耳並無一字及廷弼該勘者  
邸報見存可查也乃云迫于議明明迫于北京之  
議處北京人孰得而與之卽瑋發抄書中北京亦  
初詞而摘再疏此其鄉人借以具問罪之師等



語夫書詞與發抄不同瑋老成正大必不爲此伎  
倆其爲北京添人無疑瑋試思今之進退無據人  
心不與誰實致之當必深恨北京特不可對人言  
耳其陷害堂官有如此者語云君子居是邠不非  
其大夫厚之道也廷弼卽犯法應勘自有公評北  
京不能解闕而反佐之其云揭前政之微則其惧  
前政之不徹又可知也其云爲廷弼善後則其謂  
前事之有破綻可知也公祖名分亦自隆重苟非  
大義滅親亦須稍存體面何北京之不然也其誣  
害公祖有如此者縉紳士民之表也南中士風從

來驕橫臣所以不能已于言也如方大鎮以一紙書逐一按臣逐一道臣逐一縣官已自橫矣而又有如北京者必欲坐學臣以不赦之罪被無知青衿見學臣囚首對簿乃羣而指之曰此昔之臨我而播楚我者也今何如哉使後之爲學臣者執法則虞助處寬縱又虞溺臣有累足不入耳臣前疏所謂士風之橫北京實爲嚆矢者此也其敗壞士風有如此者韓浚居數千里外旣云不知情矣且又知賢矣乃一疏再疏強爲羅織此必有人中之不然意欲驅臣同鄉一人耳卽惡人之所好亦須

問翁憲祥何故逢人說惡韓而鑒定朝上名糾爲  
臣之疏與太宰之說相符臣據理立論有何艱澁  
必待數人而後脫稿如謂太宰授意于臣故朝上  
疏而夕糾之則何若太宰徑不用圖南之爲直捷  
也甚矣北京之難悟也至戴燎家食十有三年纔  
一補官便中緝繳彼其人亦臺中舊條也何苦因  
改職而并逐之哉其殘害無辜有如此者臣非臺  
員不識臺體然邸報中則竊有聞矣許弘綱云京  
察舊例大小九卿俱開所屬獨部院不開第面議  
耳都察院堂官且不開其屬况河南道乎又徐兆

魁去相沿職掌河南道咨訪公評其去留輕重皆  
堂上任之三會既畢具冊面送院堂既不見冢宰  
不送功司單卽臺中應處數與堂院面商不聞一  
字以全同臺之體北京獨何不然不過恐孫太宰  
不處金明時無以洩王圖之恨者其變亂舊章有  
如此者官爵出自朝廷是非自有公論臣不與聞  
獨念楊時喬者時之所謂賢人君子也而謂其說  
之矛盾陳治則者時之所賤間者而謂其言之有  
當一韓者孫太宰之所察處者也事竅雖多而求  
內一節或亦公論不與乃曰與治則俱不平夫姚

文蔚不曾以外補不平乎今竟何如耶其顛倒是  
非有如此者按差原無勅惟帶管鹽法及兼學  
校者有勅呂圖南自疏徵批印足矣北京何爲  
兩疏俱云徵勅也久占河南道熟于舊章者尚  
且如此况新入臺班者哉其不諳典制有如此  
者上疏公錯例許檢舉昨臺班陳玉輝爲  
題差未蒙

明旨先將勅印捧歸自行檢舉旋以病請告若是  
乎勅命之重也至勅所以重朝廷也無  
勅而爲有勅其誰欺欺天平曾是而不可以檢

舉乎何北京悍然不顧也其欺

君罔上有如此者臣所聞通國公論及北京疏中所  
自認者列爲數款以便

聖覽如有一字涉虛臣願甘斧鉞之誅若他所聞

風影事不敢信亦不敢陳之章奏也參照得河南  
道御史湯兆京鱗甲填胸垢穢遍體置身權貴之  
門以結奧援故撩舊銓之鬚以傾同儕玩堂官干  
股掌摧公祖如孤雛居下訕上孔門之所甚疾罔  
上行私王法之所不宥刺刺較濃較淡滿口俗氣薰  
人營營患得患失可憐名節掃地魑魅已見型于

禹鼎工難久難容于堯朝所當速行斥逐者也伏  
乞

皇上下奮軋剛將湯北京卽行罷斥以明愚臣互相  
糾舉之職更乞

天語申諭以後吏部尚書鄉人在官做科道官者盡  
行迴避以免桑梓之嫌仍將愚職先 賜罷斥以  
謝北京則公道明而人心服議論息而 國體尊  
矣臣無任悚息微切待 命之至

癸丑年六月初七日

南京雲南道御史吳良輔爲邪臣大壞憲體微臣  
據實糾察懇乞

聖明卽賜罷斥以正臺綱以清仕路事臣嘗莊誦  
太祖高皇帝諭御史臺臣曰爲人不可太剛亦不可  
太柔剛則傷物柔則廢事往見貪婪之徒常執謙  
下不拂人意蓋緣所守不正恐舉刺其奸故爲此  
取媚之態人喜其媚已以爲賢則墮其術中矣煌  
煌

聖謨真千古人倫之鑑乎夫人之性有剛有柔人之  
品有邪有正剛則陽明之氣勝其作用常勁直而



不回柔則陰賊之情深其行事常依阿而易與故  
人臣事君與其爲柔無寧爲剛蓋剛而不正者固  
有之未有柔而不邪者也臣執此以觀當世邪臣  
其備極柔媚惟恐拂人意也如

高皇帝所指以乘戒者孰有踰于左副都御史許弘  
綱者乎弘綱向來慷慨棄官人稱其孝數歷中外  
人稱其長浮湛鄉里人稱其愿

陛下特起之田間而畀之副都御史之任臣以爲  
公持正剛腸冷面必有超倫絕類者矣到任之日  
適臣等待

閣下趨宮一見乃初見而臣心竊不然再見而大不然及聞即報叅議朝政不然臣不敢捃摭風影指摘曖昧先自欺以欺

陛下但據臣真見真聞實有壞憲體而招物議者敢爲

皇上陳之先是臣等以庚戌四月考選至辛亥四月候

俞旨不下臣與南臺省諸臣議欲援南部寺諸臣沿途候

旨之例請告歸省先請教于三大臣初見相臣葉

向高高曰惟疏已上矣奈何

天聽彌高且勿去俟再催可見宰臣孫丕揚揚曰君臣是五倫之一朝廷待我輩不薄爲人臣子不可不從厚此外無一言見院臣許弘綱綱曰諸公之欲去是也諸公處此實難無煬戶無菜戶無住宅無可假貸處諸公之欲去是也欲一言于兩大老處我則不能惟與朱選司商量耳臣退而與同事諸臣理三大臣之言有言者曰副院曲體人情太宰到老終是憊臣曰不然因此可以知人大臣固自有體體也者從人身而得名者也人必合五

官四肢而後成體亦必五官四肢上下左右各安其位而後成體有如肩高于頂目上于背成體乎撫按委曲以奉監司監司委曲以奉州縣成體乎故微獨廉遠堂高廉近堂卑體也卽語上閭閻語下侃侃亦體也南北臺雖不相統然崇卑上下分誼截然况新進臺臣肅衣冠謁憲長願奉一言以爲終身弦索曾不教之敬事後食國爾忘家而津津後譚溫飽長懷安敗名之陋習何其徇也堂堂副院何畏乎首輔何歉于冢卿不挺持九列之體而退然自附于司官之後抑何卑也然此猶語言

細過耳徐而按其行事則百無張主一味模稜如  
辛亥大計部院既相與共事義不得不與同心乃  
怨則歸人恩則歸己各爲分謗而實以益其謗也  
則有議其險者矣科場暗通關節此

祖宗二百餘年未有之事奉

旨議處自當明罰 勅法詰弊窮奸乃明知關節之  
爲真故置豺狼于不問藉言于

旨意之未下而陰伸其 法之私情則有議其巧者  
矣按臣桓自離任 朝廷原有畫一之法刑養喬  
之徑去與吳亮同而許弘綱之議罰與吳亮異雖

謂其才品可惜其拊捨有故乎然法終不可廢也  
惟其徇情廢法故說者謂紀綱之壞溢觴于詹沂  
顛倒于弘綱近日稍稍振刷曹起而爭之蓋年來  
敝政以調停姑息爲故常以守法奉公爲駭異其  
積弛有漸也則有議其弊者矣夫曰縱不過一法  
之壞一事之差干人品心術未大乖戾惟曰巧曰  
險則挾數用術深情厚貌藏形于無刺無非之地  
經營于相傾相軋之途凡可微榮固寵者無所不  
盡其技而 朝廷之法紀士紳之名節皆置之不  
棄矣從前所指止據臣一人之見聞而至于道途

所傳又不止此臣請言而無諱可乎人之言曰弘  
綱先令績溪自青衿之士以及鄉耆市鬼無人不  
餽遺無餽不全受而目之曰貪者又有謂原是四  
明私人忽投身于東林復竄入于西北極會趙炎  
附熱尤能改頭換面閃爍變幻不可方物而目之  
曰詭者又有謂始終靠一泰山凡事無不如意欲  
副院卽副院欲佐銓卽佐銓舉數十年廢棄諸賢  
所不可必得者而彼獨聲應響隨如取諸寄則又  
目之曰善鑽者以臣之所見若彼人之所言皆此  
尚可爲副院乎不可爲副院又可爲吏部

臣與許弘綱風馬牛之不相及方令大僚如晨星  
臣亦何樂乎多言第見其舉動卑污無一鬚眉丈  
夫之氣恐此人大用而世俗日趨于柔靡人情亦  
習于鑽刺誰爲

皇上整飭紀綱撐持世道其弊將莫知所底止此臣  
不得已而有言也叅看得左副都御史許弘綱似  
信似忠如鬼如蜮以逢迎爲得計卽背肩論笑而  
不慙時縱舍以市恩致壞法亂紀而不顧辭墮室  
而驟登台府豈非依附得人操佐院而企望持銓  
貪謂鑽營中竅總之持祿念重報國心微時事



謾無短長奚取繩違之任人言轉見紛沓久虧端  
肅之威六祭蒙羞三褫允當臣踈遠小臣輒彈權  
貴自知禍且不測然爲 朝廷去一佞人爲吾道  
黜一鄉愿無忝

聖天子耳目之寄卽一鳴見斥臣所甘心也臣無任  
隕越待 命之至

癸丑六月初十日

兵科給事中趙興邦爲據臺臣之辨再明要挾之  
非事自湯北京以要挾處金明時公論不平久矣  
臣以爲 國家是非之大案尚未結局不揣狂愚  
追論往事北京有再陳 祭典議處之詳之疏臣  
敢復據 疏詞以理質之北京謂三次會單各註  
明時不及何嘗不以祭處四會考功傳言免處故  
不得不爭乃欲必處明時非欲另處明時也臣以  
爲北京爭之是而所以爭則非何者當考功傳言  
免處之時何不以大義與孫不揚爭曰明時三次  
會單各註不及若其免祭不惟得罪公論亦且有

乖 大典如不揚不從則執白簡議其後豈不烈哉無端以要挾之說進而明時以要挾處矣北京不欲另處明時者竟不免于另處北京之悔何及焉又謂舊太宰爲桑梓而調停不無香火關情臣爲紀綱而執爭不肯雷同髡法當時臺臣史記事之單多于明時不揚以香火之情庇護不處北京何不以爭明時之風力並爭記事不肯髡法于明時者並不肯髡法于記事也以要挾爲媚王圖北京固不肯受不幸而處于形迹之似今而後臣亦不忍復言媚已獨計要挾一事試問北京不揚出

山之望損耶否耶幸而吏垣曹于汴猶言要挾之  
非稍稍見亮于世考功王宗賢明知要挾之誣甘  
爲隱忍之私以致 察典不光爲後世笑貽累同  
事誰爲厲階不可不爲之長嘆昔年趙煥之處卜  
履吉輕重失平臣嘗糾之 通國謂其當重而煥  
獨謂其當輕故臣 疏另有衡鑑之語非謂其昔  
有蹊徑而今無蹊徑也臣今悼是非之不明陳諸  
臣之大概所謂煥能自豎者能自豎于蹊徑之外  
至不能扶善嫉邪猶然言之非謂昔無明作而今  
有明作也臣前後 疏語自明斷文裂義調弄筆

端北京亦何爲者臣與北京論要挾之是非因北京援臣前疏故臣畧明數語不與多辨伏乞勅下廷議如北京要挾之說果是臣願受重罰以爲逞臆妄言者之戒臣不任悚仄待命之至

癸丑六月廿八日

太常寺少卿胡忻爲微臣被論義難就列懇

天卽賜嚴斥以謝人言事臣于前月二十九日接邸  
報見河南道御史田一甲有疏論臣臣于一甲素  
昧生平非有嫌怨突然論列及臣蓋爲風聞所誤  
耳先是臣聞長安中有修卻構毀于臣須人借力  
者臣謂人心天理公道難泯可無慮也近有一單  
媒孽臣來自浙中金明時手傳之人爲談資者臣  
謂讒人罔極雪消見硯可無慮也茲者一甲之論  
多其唇吻中物得無誤爲所中而不及察乎微臣  
轉內之故改揭之由皆有疏自明已無復贅惟是

舊太宰孫丕揚老成正直鄉曲晚進卽嚴事曷得  
以私交納之若買僕盜單卑污荷賤徇羸不食其  
餘而謂臣爲之乎舊考功張養才起自家食任事  
未幾旋聞母訃時甚逼迫卽其臭味相投安得歡  
聚傾倒然此往事將抑阻來者故追其往乎孫善  
繼可改也謀之王元翰則已耳又嫉人以論之今  
日一甲論臣是誰謀之誰嫉之也王元翰二十損  
之寄頓金明時昔以誣史記事一甲今以誣臣然  
明時謂徐四爲長班一甲謂徐四爲家人將何適  
焉 秦王爲庶長子辨封郡爵于例不可一日蚤

臣將入科泰承奉差人投臣書中言辨封事又二  
折柬開具薄禮一千兩臣叱之卽入科具疏參疾  
雷不及掩耳何暇計較一萬之餽三千之收眞醉  
夢語耳朱光祚入文選一年臣未識其面縣陞四  
夷館于 郊祀公會始一晤言若時會議傳單來  
合太宰意此極疆就極款洽事也臣不能也常澄  
代庖選司以目疾辭不見臣雖同鄉累月不一見  
卽見亦落落借資作成薦陞憲副有議轉清曹者  
爲誰臣不知也郭士舉何人大竹坪何地臣去家  
四千里而遙三十餘年之久里中事杳若隔世彼



卽應爲礦頭地方官任之歲納金二千銀五千談  
何容易天日在上可以誑

君父耶臣自叨轉太常休心時事墳墓松楸時縈夢  
想無奈衙門正少久缺臣止一人署掌務營求差  
遣苦不可得三十九年 請告兩疏

皇上俱留中不報延至今日不幸積薪將及臺臣蚤  
計而辱白簡臣之不敢何說之辭伏望

皇上亟允臺臣之言卽將臣斥逐回籍以清仕路俾  
母得爲節鉞玷仍將王元翰二十楨之寄 秦滌  
三千之收

勅責該部嚴勘有無虛實如法治罪臣卽死亦瞑目  
矣臣不勝願越順俟之至

癸丑七月初五日

四川道御史魏雲中爲科臣挾私滅公橫口潑噓  
敬平心再駁以祈

聖斷以定紛囂事臣頃疏駁給事中吳亮嗣諂媚銓  
部之狀雖已發其端而未竟其說蓋念臣與亮嗣  
俱言官也亮嗣卽不顧大體諂媚權要以傾臣臣  
當爲亮嗣存體面不宜盡駁以傷和氣不意亮嗣  
突昧本心說愈枝蔓臣始不得不據理析質以爲  
言路存公道矣夫所謂人才者惟是真誠爲國赤  
心報主卽品格幹理不同總謂之才有一種傾險  
陰邪奸貪蠹國者絕不可謂之才所謂愛憎者惟

是激濁揚清挾忠擊佞卽維持裁抑不一總謂之  
惜有一種庇奸類黨傾擠善類者絕不可謂之惜  
故臣聞各臣在臺諫有不避權貴爲時敬憚者矣  
未聞有逞身權門獻諂獻諛尚可登進忠貞而培  
養元氣者亮嗣謂臣受任數月將史澤偕輩皆一  
筆盡其生平乎不知此數臣者內惟劉澤深凝定  
老成確有執持初陞寧國知府卽有慮行勘不便  
者未幾果調一疲地而增嫌未已臣前疏原謂不  
善俛仰益重愛其品故預爲點破亮嗣不宜以澤  
深賢者混入羣奸之內蓋澤深尚未到地方一預

熊廷弼事何遽恨之深也。若夫史繼偕黃克績臣  
所特叅者也。兩人神奸蓋世。克焰彌天。而繼偕又  
先有部臣叅疏。克績有臺臣李若星果疏。不知有  
何大力至今通不處分。識者憂之。亮嗣果已爲之  
地耶。至若徐兆魁者。專作權門鷹犬。爲一時小人  
盟主。是以臺臣錢春首犯其鋒。而王時熙周起元  
等同行忠憤。共逐窮兇兆魁。利口未已。因臣有言。  
雖暫鼠伏。不忘鴟張。亮嗣已早爲之謀耶。若夫熊  
廷弼飛揚陵轍。爲顧李死黨。長安不靜。皆其播弄。  
臺臣徐良彥李邦華等發其殺媚之情。竄詳祗因。

互爭日起公論日晦臣始不得已爲臺綱一言而  
廷弼辨疏語語招認卽救者亦曰熊某好漢有的  
俱認了夫旣已認貪認暴認淫認邪無所不認亦  
可已矣亮嗣猶嗷嗷不休乎至于董其昌蓋向被  
楚逐者也豈亮嗣鄉人而可持挺揭竿毆逐學憲  
臣脩員風紀反不得摘其濫耶抑其昌誤遭亮嗣  
鄉人紛囂陵誅今不憚一爲昭雪耶果爾臣且加  
與爲新矣兩者將何居焉薛士彥旣掛計典當徐  
俟其自來獨從來銓體所當遵守抑亦士人廉耻  
不可躁進何未及三月便以廣東右布政補雲南

左布政安得禁人言耶若夫張濬臣有速化濫秉  
節鉞一語蓋用臺臣駁亮嗣辨言亂政疏內推挽  
攘攬速化先登固其慄悍之效語也亮嗣彼時何  
故噤口咋舌而今却狂救急呼耶以上數臣皆亮  
嗣傷心負痛之人臣姑就其言卽爲剖析若是至  
周應秋固臣所糾爲貪鄙者也亮嗣感周之德安  
得不犯公義一救第能明言應秋所以不當叅之  
故則服人或將臣所叅事情歷指出曰某暗刺爲  
風聞其微攻爲門戶則臣服而臣盟心自矢凡臣  
所擯卑官下吏俱行賄鑽幹應秋不遵昭鑒次紊

亂可證凡臣所指大官大吏俱一二有章疏可證  
其有關係門戶謔情受賄臣俱刪削不敢上

聞臣之用心固非亮嗣所能測識矣乃急急皇皇脩  
爲出脫猶謂非媚也臣請歷數其媚狀如曰見幾  
決去不俟終日臣恐應秋被彈絕于剛介之意無  
當是謂阿譽不情其媚一其曰州縣遠職丞尉小  
吏御史立言決不在此不如此官最與民相親盡  
被應秋賄買何得代爲解說其媚二其曰藩臬大  
吏遷除皆有一定之格不得恡而不與惟其破格  
濫予臣是以有言何故力爲解救其媚三其曰行



取諸臣分明挑激爲臣樹敵陰以快應秋之恨其  
媚四其曰吏科河南道皆有人倫之鑒應秋不能  
自爲政夫應秋誠不能自爲政也亮嗣何人代爲  
暴白其媚五其曰督撫推轂不出資俸品望之中  
夫會推轂不出資俸品望也亮嗣何事急爲分理  
其媚六其曰亟亟焉逐周應秋以去若似乎滿街  
其去欲挽而無從者醜態畢露其媚七其曰驅除  
銓臣夫臣原糾貪何爲驅除是固將使合銓曹諸  
臣無不感德而深怒積怨于臣也其媚八矣夫銓  
曹原有三可媚而亮嗣實有八獻媚滿紙諛情肺

肝若睹亮嗣將誰欺乎欺天平夫從來吏部衙門  
號稱權要諸司庶府莫之與京獨特臺諫正色立  
朝共維紀綱耳亮嗣復連疏傾臣獻媚若是從此  
科臣借銓臣則氣焰愈張銓臣倚科臣則聲勢益  
熾科臣意有所忌銓臣爲之驅逐銓臣中有所嫉  
科臣爲之掃除意所欲與不難立附青雲意所欲  
奪不難力擠深谷卽有一二直言敢諫之士且將  
惕息于科臣銓臣之合而風力益微謀笑得矣聲  
援成矣一身一家之計誠固矣且柰天下何哉如  
曰不媚之在事之時媚之去國之日則臣有一

喻蘇惟霖固向之叅文立縉者也立縉今去

國而餘威所及猶能將惟霖借事代逐其足媚蓋  
可想見蓋銓曹原一體忤一人則無所不忤也媚  
一人則無所不媚也尚以素昧生平爲解敢自附  
于龍逢比干哉豈龍逢比干當年亦曾黨救蜚廉  
惡來等輩耶吁愧矣愧矣且 朝廷設立臺諫止  
許糾彈並不許朋比保救職掌其明亮嗣第問六  
垣諸臣從來有臺臣叅一貪鄙吏部而科臣迎合  
風指及傾軋臺臣者乎卽錢夢皐姚文蔚輩曾有  
此否乎請自三思毋過尤臣也又謂行取一事臣

所好所惡海內得而知之夫臣所好必忠直者也  
臣所惡必險邪者也海內同此心必當同此知也  
第諸臣方守貞待聘不知誰人可好誰人可惡而  
亮嗣豈已預知其人欲招臣所惡剪臣所好乎亦  
太勞矣若指臣爲兒戲臣前疏具在原無行取一  
字亮嗣突然插入人應謀臣至謂臣欲引按舊考  
功張養才臣實夢想未及而不知養才忽已爲臣  
受累矣亮嗣獨不思引接人者能趨承吏部者也  
臣疏出而銓臣方與職構難安所接引如亮嗣言  
以此用心

九廟社稷有靈是糾是殛且亮嗣旣怒養才養才有  
何貪贓實跡何不明目張膽見之封事乃陰謀秘  
筭不肯愬遺全秦一人果秦脉至亮嗣輩真當剗  
削盡哉人之云亡邦國殄瘁良可嘆息至欲令臣  
回話臣言止此臣所云匪人前疏俱明第無如張  
濤爲害尤大亮嗣不解應有人解之夫復何言總  
之史繼偕黃克纘臣所首參亦諸臣所共參者也  
徐兆魁熊廷弼臣繼諸臣之後而參者也周應秋  
臣所特參而董其昌薛士彥張濤累見臺省彈章  
臣用以罪應秋者也惟有臣之參所以爲臣惟有

亮嗣之救所以爲亮嗣臣與亮嗣立朝心事判若黑白臣叅是則亮嗣之救爲非亮嗣之救是則臣叅爲非事無兩是理無中立天下後世豈無公評且臣見數年來仁賢空矣白馬清流之禍在目前矣其弊全在議論駁雜賢競奔馳臣甚痛之無奈臣實不幸遭此不顧大體不顧是非之科臣纏綿不了而微言隱語媚人傾人者復不少也臣甚惜之懇祈

聖明速下廷議從公核覆要見銓司應否擢爵賣官市恩濫用臺臣應否循責陳言指貪斥鄙科臣應

否挾私黨護撒潑橫噬如亮嗣必欲以行取一簞  
罪臣臣疏具在

御前固可覆按而亮嗣旣言臣所好所惡海內知之  
亮嗣亦必知之卽令亮嗣分別開坐請自

聖裁仍令吏科河南道文選司脩言當日會議臣自  
具單外曾否有一字關說曾否言及一人當予當  
奪明白 奏陳毋得含糊如其會議行取關係甚  
大臣不過百二十中之一人毫無私預則亮嗣何  
故造言好事突興大難之端豈但兒戲

君父之前其說謊轉換支吾之禁應亮嗣受之庶幾

京師記略下  
紛囂可息邪議可定而背公植黨之徒亦有所儆  
省矣臣不勝激切待

命之至

癸丑年七月十三日



兵科給事中吳亮嗣爲臺臣益昧良心辨疏惟憑  
血氣謹再疏糾駁以折紛囂以維人才事竊惟言  
官之立朝惟是識見議論而已識見定然後不奔  
趨于勢利之途議論正然後不惑溺于掃除之說  
爲名利使與爲意氣使者總之得罪于天下後世  
者也御史魏雲中前後疏草上

御前矣公卿百執事得之邸報中矣臣不知于公平  
正大之道何如也臣疏謂其攻擊太多而雲中自  
辨有特叅續叅摘叅之不同夫特叅猶之可也若  
因人叅而我亦叅之可謂胸中有定見乎摘叅之

說尤非通論此不過稍爲點綴而彼已不得守其官矣御史有世道之責者忍爲此萑菲之謀耶御史入臺曾幾何時而搏擊已十餘人即使盡得其實已失包荒之度若徒以門戶起見其何以服天下也史繼偕之在南都也翩然風塵之外者也御史藉門戶之威驅除甚易政不知于清議若何也臣前疏所謂上下雷同中外交構者正有慨于此也久不處分乃是臣之過臣叅董其昌者御史也臣不過憐其白首詞臣其博聞強記可嘉耳至于薛士彥臣昔在蜀深服其長者之度御史欲逐之

則逐之耳彼豈能立門戶與御史爲難者哉御史  
欲叅銓部則借劉澤深爲事實今欲保劉澤深則  
反坐臣以攻擊此在

聖王與廷臣及劉澤深自辨之也臣前疏謂銓政當  
清未嘗不明言周應秋當去也但謂人才可惜不  
宜太摧折耳而乃橫以保救坐臣豈御史于臣前  
疏未嘗置覽耶抑願御史擬議之而後言也至于  
婚之一字是妾婦之態也是商賈之心也臣自有  
生平海內自有耳目御史鄉中亦未始無銓部當  
知臣與應秋遠近矣遼撫張濤二十年拓落科臣

也今日而議其速化御史想未見

祖宗朝所以拔才之舊章耳臣何言哉臣向所詰問御史者引用多少匪人流毒天下生靈之說也臣求之而不得故舉行會推以詢之御史到此何以支吾反覆不歷其明白直陳乎

皇上之前也曰多少決非寥寥一二人矣曰流毒生靈決非尋常耳目之事矣知而不言謂之隱不知而言謂之欺御史宜何居乎御史二疏理不足而氣有餘臣在

陛下之左右是豈可以氣奪者耶始終願與御史

河南道御史彭宗孟爲直陳門戶之非以祈

聖斷事竊見邇年以來習競日滋是非日混朝無  
定論世鮮完人因循至今已是理極勢窮之會極  
則反窮則變斯亦必反必變時已

聖明在上可任其殄行驚師而不早爲

裁斷乎夫議論之誕煩由門戶之日熾門戶之未撤  
由是非之不分當事者憚于主持每見議論之參  
差輒謂門戶之各立更不究其是非所在姑託之  
乎調停不知所執而俱公叅互之可協一也所爭  
而俱私並解之兩慮紛也乃管私害正者合謀秘

筭睚眦必讎常操無敵之勢危身奉國者獨立  
特行波靡目砥原無對壘之師假以一彼一此並  
稱門戶是必盡廢蕩平之王路墜入反側之私門  
舉國家之爵賞刑威殉羣小之愛憎恩怨

聖諭所云秉公奉職不足遵結黨亂政不必戒也豈  
不悖哉夫漢之南北部唐之牛李宋之洛蜀彼各  
相詐相傾快心于一勝非遂竊人主之操柄而以  
私黨與朝廷爭輕重也故同類共譏而均目之  
曰黨若今之爲門戶者果如甘陵之聲譽爭標榜  
已乎如牛李之功利爭馳逐已乎如洛蜀之學術

爭得失已乎倒翻清議淆亂 朝幣寸紙惜于戈  
矛片語威于鈇鉞意合則檣机比肩于夷蹠不合  
則魯史擬惡于夷莢遍地風波彌天計巧傳聲授  
指應捷于輿郵驛會其耶權重于卿相甚而願氣  
可以司用舍換制可以徼 明綸十餘年來不知  
壞國家多少人才削 國家多少元氣頃聞臣苦  
請收卜旦夕儻

會其純然未經點染足應金匱之卜者有幾卽有之  
恐推戴之計不行將羅織之端復起不舉 國盡  
空之不止也

皇上于大臣之欲去而謂若在

祖宗朝敢如此否臣竊謂門戶之積怨在

祖宗朝斷不敢然茲窟穴已張壁壘已固雖忠臣烈士或抗言而輕虎狼之將或隱痛而抱漆室之憂語默卽殊孤憤若一此皆超然門戶之外而思挽乾綱于將弛扶

主勢于一尊然力短心長迹踈情渙安有爭衡之氣決祗見獨逞之機鋒奈何因不肯降心附和遂以爲彼亦一門戶此亦一門戶也

聖諭謂勿徇已私各立門戶又謂近日言官議論煩



多清濁不分一槩攻擊頃聞臣之請亦謂枚卜既定門戶自消臣以爲欲分之消之惟有明是非而已夫言官主議論大臣主持衡今諸大臣非盡爲門戶人之所制也其練事久閱人多又非闇于是非之辨也終無一昌言正色爲

皇上別白之者何哉蓋臣等事或偶摘特據職任之顯失不爲隱構之詞言或見容雖荷受善之虛褒耻作阿逢之態收之無益于飾美拂之不玷其生平若門戶之說則不然所愛則先意祗承甘效護法之勞掃除之役所憎則鑿空誣讎務加難堪之

醜不白之寃逆之俱敗其身名順之亦藉其推挽  
以故相率如閹臣所云苟且自完而不敢一乘至  
公毅然主持也夫小臣輩兢賴大臣之折衷大臣  
苟完賴

皇上之宸斷頃累奉

俞旨批荅未見明折是非以

皇上神聖英明諸臣之才品趨向宜無不洞燭者豈  
皇上亦憚門戶紛紜挑構而借模稜爲主術耶不則  
千邪正間未盡灼然第爲戒廸之語聽諸臣默自  
領會耶抑不知 密勿大臣曾于票擬外孰是孰

非敷陳愷切密動九重之睿照耶又不然近日  
諸疏票擬是非本自較然或

皇上間有裁改反成晦冥世界耶天道晦冥則魑魅  
跳梁而人跡歛人事晦冥則陰邪構煽而國是  
危試觀中外臣工言及門戶無不搖手重足不啻  
腹誹棄灰之禁所幸

皇上四十年培養之人心未盡淪胥尚有中立不倚  
者捐一身之功名毀譽而維如綫之清議當事者  
顧等之爲門戶并欲消靡此公正發憤之臣所以  
拚心而長慟者也伏願

皇上亟檢諸臣章奏

初下部院大臣公定當否當者採納實見施行否者  
優容潛令媿屈庶是非既公置兢自息將覆載之  
大何不包荒議論保其常清門戶聽其仍守邦家  
無杞梓之患人才無摧折之虞大小諸臣亦得精  
白一心期稱

皇上秉公奉職之

旨其應蕩平正直之風矣臣濱海孤踪素耻依傍因  
見比日疏辭動稱門戶謹陳其概恭候

聖裁蓋爭是非不爭勝負者臣思之朴誠欲精別亦

欲並生者

聖明之弘度但求真是一定不妨反側自安臣非不知一木難支時局難犯但懷當必吐義勿敢欺卽門戶之人側目甘心之臣無所悔臣不勝惓惓矣

癸丑七月十三日